



^ 16
2798
20

20



門 16
號 2798
卷 20

黃漳浦集卷四十

詩

五言律詩

譴後吹毛屏居有作十二章

一食豈容素千秋非所營天恩銷短髮人影負長纓逢彼將無
怒嗟來愧有生外間笳鼓競未損理琴聲
春林無寂鳥鬧市見吟猿已覺松將老難教石不言河深當杖
拄風至使飄翻愧向周藏史開頤探舌存
去山能幾日結夢已滄洲官在著名賤文消雪道愁焦花芬過
夜破竹翠經秋突席尋常在何曾畢白頭
臥病一身穩誅文百慮清不才祈賜嬾晚令愜逃名尺蠖知伸
屈孤桐別死生看人共醉裏戲築禦愁城

昭和十九年
六月二十八日
購求

悅草真無賴，樊居神不王。天憐後死者，人界長生方。猿鶴仁何怨，鵝鶉信有光。休疑塵壒外，盡日見滄桑。
不識有生後，常思軒冕前。作書新鬼夜，鑽火舊檀年。探鳥猶巢樹，豢牛直棄泉。何時經水旱，今到老研田。
白石不成粲，長松空復青。已衰咒虎業，但註相牛經。儼舍關春歲，下簾講客星。暫同仁壑穩，避得五街腥。
磨剉閱人少，荷擔真識疎。弄丸日月後，拾瀋江湖初。物緯看將解，頭絲老欲除。無因尋北渚，多約啞樵漁。
噩夢饒新永，初衣得上層。一冠無掛處，四壁有餘僂。發被裸形在，披帷土木仍。浪云塵障裏，如我未生憎。
遭時甯厭曲，有道不容愚。鳥雀知人意，龍蛇工世途。斂官稱屈軼，免死號屠蘇。憶卻歲前事，鬚眉真欲枯。

身隱文焉用，道污毀亦來。塵書沉破甕，律火上葭灰。自我不能佞，知人多愛才。半生懸輿博，奴子去還回。

頌橘有鄉氣，鋤蘭多傷心。中年憂喜斷，平等笑啼侵。白鶴焚災疏，丹方罷煮金。微臣無五蠶，未報主恩深。

禮曹見叅數次不已欣然寄懷謝諸宗伯四章

雨露清時好，空山薇蕨香。看無雲鶴累，聊共野鷗忙。白簡消書帳，青松長筆牀。不知巢許輩，幾等到羲皇。

多賢無缺典，遺興祇潛夫。抵我一庭雀，傾他十乘珠。移山原不慧，出谷早應愚。那復知黃鵠，麤麤化白鳧。

不信蓬瀛改，何期岸谷侵。故園栖鳥背，佳興落牛涔。詞翰萍人道，耘鋤灑客心。一番清楚事，情竭爲知音。

風急鳥棲早，潮平鴈跡多。一官翔木葉，萬里緯漁簑。不畏洞庭

闊其如秋水何明朝且祠竈鄰舍儻經過

諸生南還散書爲別錄送朱愛日姻丈四章

負鼎慚他日抱關謝昔年通儒輕起草綿蕞誤諸賢施去等身藥
逋多飲水錢周南無尺五留滯此居然

隻語不稱意三生動劫灰人間勞羽尾天外闕風雷無勿暗龔
福難扶舟楫材親朋多去路獨影誰能來

鵠子一朝白蟠桃千歲花不從漁父路安識灌園家閉戶曉人
意休糧苗道芽何當從泛泛相答水中槎

離思平不望騷興轉虛無春水黏新燕朝衫咒老烏嶺雲晴眼
合江鳥晚餐呼白髮數莖下豈然憶長蘇

屬有巧言掩關握粟適徐晉斌至以焦易占之繇曰仲尼

顧家茅茨朱華相顧啞然因用爲韻與晉斌卽席同賦

八章

齊客貴稱仲鄭鄉亦字公頌章傷素業妙詆得元通人脯看匏
葉蛇形辨角丐古今疑難事并在首陽東

握粟何須契嗶嗶墜地時喪家猶顧主窪頂欲宗尼曳履當朝
樂援琴抵暮炊諒存版築意未果付胥靡

甌墜爾毋顧車輪人自呼天公憐直矢神女狎歪壺樸腊隨題
石雄雌未辨烏丈夫時不勇嚙舌對屠沽

接浙豈遑舍乘桴安得家蟻封勞改邑蠻觸動驚蝸輟祭鈔烟
飯佩裳訊漚麻回頭看禹稷揮涕爲呱呱

珠柱損蓴茆蘭松今靡茅烏猶存鍤木人不共居巢蠨蝨尊縫
絨乾坤護斗筲雙環無一解總爲子雲嘲

鶴髮起新茨狐茸長舊簷義農行已遠仲子惡能廉不信閨人

語漫勞詹父占滄江鳧泛晚白日坐烏淹

直道雅慚柳歧逢初泣朱量聲知木客度腹享侏儒拱鼠猶存
禮旋螺自列圖人生開口恨懸到易前無

絕韋那容悟鉛松不著花魚蟲三滅字鼓吹一番蛙雲膽青人
面塵情丹客車先生無遺行抱甕近偷瓜

焦絲爲韻已賦八章更續二語云驢頭馬脯夷齊養蠱再

同徐賦以足前篇猶巧言之有何人斯也八章

適足久忘履遺形未棄蔬毒蟲依郭樹燹火上焦廬鳴兩各烹
鴈朝二輕誑狙何官能徑去覓得阮家驢

春愁恣雀脛矮屋負人頭擣杵不堪責射狸閒送愁白衣終食
化青髻一朝秋別識渾沌面蛾眉宛似鉤

犢子眞非馬鄰翁自嘯歌遺瓢甕問樹探兔已忘窠世徑翻滄

海文瀾沸白波良醫垂臂力九折未云多

魯國麋麟脯趙河想負圖早知獐卽鹿權使鴛當鳧禮樂因時
選譏訶表德隅平居不學愿垂老字狂夫

拘儒懷土久妙想突居夷渴赴銀河遠棲懸若木卑鳳威偷竹
寶龍燭溷魚脂處處東鄰傲薇拳春自知

積雪幾時霽堆雲馬目齊開顏唯酒蟻果腹自醢鷄採藥愁難
弟辭官愧老妻坐看桃李落苦雨不成谿

汚林迷鳥養樵矢問烏傷秋草莽無際春風蕩一場沙中人影
落燈下羽衣翔滅火來圍溷羞爭魍魅光

木落山防蠱道成人欲癯招招誰與爾去去各猶吾放鶴安牛
背牽羊繫虎鬚此中閉易肆不許問榮枯

解澤詩八章

四月十八日辛酉上以久旱齋居下詔求言是夕釋張
鳳翔易應昌李長春杜齊芳李如楨於獄中中外懽然
翼日夕滂沱然且不雨五月朔始步禱南郊猶且不雨
久之十三日丙戌始釋舊輔錢龍錫十六日己丑小雨
可數十七日庚寅雨淅然有聲雖雲霓未慰而於穆非
遙伏枕有詠并用解疴

禁樹喜新沐郊雲彈早冠炎威雖不退山意已微寒社鼓停三
輔齋居老百官何如湯網闊坐使萬方寬
山川不肯雨天亦奈將何青露看無草白榆渺欲波一言開雲
漢萬里澹江河扇暘皇恩在應知涓滴多
先正有何疾庶僚深足辜陰陽今不問箕畢古成圖野鳥聞鳴
火河魚半就枯但看震霖意鳥雀已歡呼

莫喻精神事人天各九閭尋常爾河漢膚寸况崑崙烏白荒前
代霜炎惘舊言一絲未絕處四望尙綢繆

北陸行將退蟄雷未發聲汗枯新瘵伏威殫舊災生火政猶頻
黷桑宏未忍烹潛然時一沫天意亦靈丁

禱祝何時已飄搖巫史功無因尋雨竇不合絕天通蝸色枯黏
壁龍權託守宮此時應沛艾早晚又溫風

諸老亦奎壁餘黎未當犧焚煎長白日感慨問元師十雨昔何
似爲霖今若茲敢從中谷裏按節細歌雍問一作向
茲一作斯

友紀雖未散天心良可探卿雲不解毒德水自安潭餘潤看將
濕微薰驟欲南誰能瀉神漢倒海共飛甘

送錢機山解縛出都四章

蟠灌昔安在典型今正頽湛波枯四瀆黑氣滯三台鸞翮委鷹

隼麟書蕩草萊最憐雲漢意端的近風雷

聖主保餘赤孤臣伏彼蒼一朝題木鳳萬里欲商羊禾稼指秋
熟雲霓應日望熙明無限福未遣帝心傷

夢卜雖云邈人情諒已賢諸生誦業後太學建旛前牘背看無
礙葭灰老自燃應知書易傳今亦次成編

七尺關何事千秋誰所輕物華隨日變天眼較人青世道董狐
在話言神鬼聽遭時猶涕淚不見古虞廷

答文湛持書并寄峇陽四章

青燐攪白日膏火未應除豈不悟伸屈何能任卷舒蘆花傷鴈

翼葦草斷魚鬚早憶從公理於今愧子虛

白日刻本石齋詩艸作日月

世運尙清泰吾徒何早衰勞薪炊若木文網上神龜焚盡當年
草磨多舊日碑肝腸鐵石在未肯訴蛾眉

堯舜底今好臯夔古所難麟鸞爭洗耳烏雀自彈冠天作炎威
告人當獵火看江湖此一勺沒處下漁竿

出處豈須計足寒心自傷戲談今不敢感慨爾難忘烏斷高秋
路蟬吟丹葉霜人才看欲盡回首合淒涼

寄酬韓若海座師并鄭元嶽大司農四章

囊穎久成鈍紉蘭老不香鈍根孤斗氣香永溷蛇牀袞職毫無
補龍歌空自藏何當談仁義今已負縹緲

三緘良足貴木舌久銷磨一玷保無累粉身遑及它文章關寸
極世事耿明河不復解人語啾噓百鳥過

江漢去人遠鬢眉烈焰前拔山無助力向若有扶緣細鼎縮丹
性柔心撐夢天合思千載上蒼擣各當年

夫子未能報况酬明主恩不知鳴鳥賤終覺老龍尊天地躡孤

影風波簸小言鏗然聊自哂狂簡負人門

自二月庚戌驚蟄百一十四日不聞雷聲至六月二日甲辰始覺殷然爲之動色三章

陽伏吾無賴終然須一鳴四山雲不漏甲夜鳥初驚蛇虺生廉立蟾蜍識姓名掀眉探造化似有未忘情

遲爾已云久良知明主心何關霹靂事聊破蘊隆陰真烝少應忍靈符老欲瘖干官修省盡淵嘿自聞音

曠海占山夜聾盲接物時鍼芒式河漢小奏亦咸池君子信如怒鬼神安足疑因風想日轂再欲鼓龍師

自六月甲辰聞雷既復寂然二十一日癸亥乃復作聲於是沾漑亦十餘日矣過此月餘遂當白露疑此終甲爲收聲之期屏居無事爰續前篇三章

幽通無一事折箸數雷期負世逢韜鐸長天惜鼓吹蒼生應有命赤斧嚮何私癸甲雌雄盡鷹蟬秋自知

天道張弓在物情如矢難一塵摧木落百鳥泣霜寒雨塞空中憤雲懸江上冠此生知化柄不給眾人歡

叶律神明少揮戈志氣微洪鐘懸不動蕤草鬱成圍默語隨人意歸藏知者稀陰陽牛舌本顛倒繫柴扉

大暑後一日丁卯雷乃洊至盈縮喧寂舉可知也三章

北地日躔遠難言陽力稀似因避火政偶爾動簫機草魄已丹鳥麥魂空綠衣年年秋水長大奏自和嶽

感憤補前闕轟然賢者圖擎拳看匕箸落莫愧桑弧發爾一朝夢遲他七日蘇驟逢溝澮滿多去謝魚枯

神明良可畏感慨未能平高下虹霓手綢繆天地情道根還老

壯物籟入言輕消息總如此何須討後庚

京師物繁蒼蠅爲最爰伸樊棘別成小言三章

何來遽集此相扇爾繁徒赤豆分餘鬼阜衣散短襦寒香驅不誠炙熱合羣呼終日煩搔洗依阿祇路隅

詎解四方語偏知百醜情慍於看瑣瑣逢彼動營營不復顧人面何須通姓名針頭腥氣在狗苟自弟兄

稱文白鳥氏守義元駒家楚服爾何有英聲卿白嘉尋臚從入幕選鼻坐高衙拔劍無須怒幽陰蠍虎又

彌日有候約騎西山都不得去六章

出處此無據盤旋祇在狡屐當終日蠟屋有長年租酸雨調人面飢鳥上坐隅庭前方丈地未借古藤扶

閉戶卽邱壑雲心不耐生飛泉看壁溜還照落簾棚道徑許通

鳥俗圍別鎖城相將竈下飯珠顆共青精

鸚鵡旣絕侶鬼帝復青山面壁荷天賜巾車掩物關與當針孔

漏緣比杖頭慳言駕無堪寫多心祇自刪

家園不可訊况乃鬱崇邱屢責青松落仍孤叢桂秋狙麋看玉

玦魚鳥訟刀頭多少倦除事何曾到少游家一作客

趨承何日有晴霽幾時無託夢三眠柳防身五岳圖罷官猶有

累臥寫那能娛稷高逢巢許應知不課逋

山靈非惡慙遷客偶留連隱几聊云爾拔身難適然摻花露底

徑問岸海中船寄語風夔者今憐百足蛇慙一作熟

寄答陳雪灘四章

臥久葦簾落雨滋苔瓦青蝸涎緣破簡鳥矢下空庭眾棄老儒適獨吟鄰舍聽此時思對榻方覺影零丁

公事勿復道長街夜步時旅情猶不惡渺論有誰知北斗垂人
面南鴻寄羽儀料今雙鬢似風雨共無枝

促膝已堪涕况尋夢路中不容吾有母數念爾稱翁日落聞蟲
響雞啼知塞風一身無許處四壁自西東

五十各疑始千秋甯信然行藏隨襍被生死任鉤弦未敢忘天
怒何須關世憐爲君焚疏草吾不墜名緣

時波稍平許仲嘉文汝止王昆華先後攜榼見過四章

久已疎人跡於今見友朋烏身依鼠谷佛火射漁燈但覺聲形
似何愁道命憎尋常看北斗涼夕倍觚稜

破塚幾時出布帆還一杯瞿唐行不上馬象看翻回天地試人
意神明探德胎平生陋巷裏卷草有車來

席藁良爲誕傲歌非所宜官家堪努力有道澹瑕疵諒食馬肝

誤仍持鷄肋癡當筵應閉口饒鼎古人師

過門何足怪毛羽日西東寂照一身微微吟百鳥通金銷朋自
正道罅客橫攻輕薄詩人意蘇公與暴公

宋比玉自南都見疏屬詩十二章依韻爲答

豈不畏風雨膠膠須一鳴但教白日出忍受青燐驚白折兩肱
在千金隻劔輕自看猶瑣瑣非分享狂名

何堪留直道不易報明時鬼怨作書者天憐觸乳兒微霜經柏
翠初日領烟欺四海各秋色容誰照白眉

故事且休說但看墜地身江河無柱骨島嶠豈安鱗開眼別天
夢強顏當客噉不知生死大何處合傷神

天地此龍野詩書今血場綠圖還馬背白版自雲章旣尅有才
火膏摧多韻香省躬紛紜漏顛仰未蒼茫

國步雖云泰天心尙九迴毒根緣小草死渴爲津梅自振火中
雪誰經溺下灰眼光殊不怪夜道苦相猜

安危難託業最下爲修詞援古救時拙至言歸論卑日中人不
決野獲世何疑小鳥空勞劣風雨輕上詩

言路多賢者雷書但苦同蓼蟲生獨苦媒鳥信難通賚夢三生
外訐謨萬歲中未應將賈陸軒輊論二公

玉涕滿雲漢臣私盡卷阿許身猶落翮觸地已層波簸海應愁
若焚崑不論和野人拋帝力隴首自賡歌

亦是拜昌會翻愁容默時無才隨蟻馬何道答君師短智慚居
蔡良謀拙衛葵伐檀多少恨報塞爲明危

筆囊飯塵事蕘芻橫草功洗腸吹野水斷指塞柔風舊髮勸人
老新書判鴈空猶餘赤骨宦堪抵黑頭公

危疆何日奠絕學幾時聞壯志啼紅日餘生泣白雲魚蝦吳越
市鹿豕匡羅羣誓夢祇今晚腰銀早欲焚

長才憎顯命閱歷想當然所遇明堂器多淪秋水篇糟醅傾澤
國燹燒盡綿田見爾新詩在清風入坐偏

重九客至惘然卽席四章

隱市閱峯色書空滯放臣銜蘆依鴈老翳葉與蟬鄰粟比菜黃
貴交餘萸豉親無因窺隴首四叫爲沾巾

北地燒梨會吾鄉團橘時山情隨雨澀月影貼身癡胡菊分異
色羌梅急晚吹但看雙鳥翅已當峴山碑

官盟不出郭病法秬高眠老到欺蠟展窮堅斷俸錢緇帷萬里
夢白墮兩尊禪何處聞征鳥先聞蟋蟀天

孤生總木葉春禊已深秋抱膝况今日離魂屬倦遊藥囊鷄犬

護花徑虎豹求卻憶柴門下芋畦細水流

送徐晉斌南還四章

讀書不採藥將父將安之驚餌海萬里傷弦天一絲文章通世
厄冠劔引神疑楓落蕭蕭下江心冷自知

要汝有和唱拔身不可同歡悲分朔雪斷續共秋風神力師愚
叟圖書寄塞翁辛勤修子職倫理未應窮

世道忍浩嘆天心諒了然名浮雲灑掃意澹水鉤連真氣畏官
賦空山尋病緣請看崖絕處撒足手雙懸

閱眾多微悟孤知寡共參與君方日夕此道遂東南藥譜初嘗
毒熊丸久欲甘莫愁丹竈遠吾已早抽簪

久滯長安困憊已極倪宮允鴻寶魏給諫倩石李文選瞻
韋樊計部紫蓋各移斧見資適錢宗伯御冷亦自南都分

俸見寄聊散所懷十章

不絕馮天幸偷生亦三息風雲二鳥去霜雪一身存瘞筆銷傭
力焚車謝素飧何當傾國巷白日爲哀哀

雜麥傷鄰舍投錢想給孤乾坤猶不惡朋友詎能無菟竹繁深
谷鷄頭足五湖何須楯陞外量腹事侏儒

國怪非朝宦餓夫卽古人隻言通黼展束骨繫秋口不識口生
垢何知病與貧徒煩親友念薑桂共含辛

自解作金術祇無持祿方教人烹白石誤已坐空囊懸眼看堯
莢留生拜禹糧相知能奮跡灰槁我何妨

有待真爲累遐心安敢辭運衰荒竹實道禰謝鷗夷捆屨朝無
市緯簫秋不時可能更變業丹管負生涯

事人不媚主何處可憐生非虎宜空野休官準步兵霜高蚯蚓

結天迫犬羊爭圖史多兄弟瞠然想爰旌

聃耳難方駕於陵亦起予驚心隨鳥噉開涕祇朋書曳尾詳龜
後抽牙見象初應疑塵甑落亦爲福耨鋤

興言今不極握粟古胥同擇地存枯岸依家託鬼宮人倫猶寄
杖天步詎應窮忍耐成癡鳥何時更破籠

忽忽皆從眾硜硜合與誰吾徒不寶祿世事尙堪醫婦郵閭中
緯人揚天上箕終年含瓦石非爲少開頤

季女多飢日南冠饒滯音歛炊危烈士囊粟賤儒林一縷肝腸
在千春道命深琅玕何以報白雪嶺松心春一作秋

寄示家中曹從十八章

葉蠹豈須膽女蘿合有絲長貧祖德在驕貴里兒癡闕世崖千
尺集身鳥一枝不知詩史裏何指詠茅鴟

稼穡已憂餒况無農圃身雲深樵斧棘海沸釣絲皴原巷不容
席曾飢動隔旬尋常看縷粒垂涕仰秋□

生存多疾暇豫想烏鳥山樞日中萎巖松霰後蘇穿雲猶失
鵠逐稻總依鳧憶昔繁華子於今半赭徒

文章非至極茅瓦亦門風爵尾躋星弁鶴音費角弓天償終歲
力鬼避一宵工錯別金根字穿槌坐老翁

眷眷圖書老宦爲稻錦緣漸滃蘭不佩摩火石猶然章漆聖人
老衣魚仙子憐此間收種實刪卻百千塵

木奴行且長四壁爾奚嗟不乏衣鴉者誰當肉食家人非被繡
出道豈鑄金誇幽谷多風雨寒燈亦放華

投鋤知隱趣割席坐巍名豈有麟鸞侶而尋狐兔盟丁年心易
戰垂老舌難耕吾亦慚初學蹉跎想不平

不敢題騏驎猶應別豹彪去人長不遠面壁此何窮白法非吾
道蒙心誤聖功廿年餐寢廢無處寫幽通
藝蔬良有政課僕足徵才灑掃還僑舍澄清寄草萊鱗松宜臘
布血柏想青回一室經營小應知賤子哀
出山誠造次薤韭未成章馬鬣疑風露鷄棲近雨霜含憂心孔
細歷患髻輪蒼未信犢禪下公然託醉鄉
得失懷中事疎詳子夜知庚桑今已邈都聚古爲誰有契依園
戶無交訪獵師車前能數馬人不厭支離
共爲鱗羽輩所別飛潛心色動翔漚鳥機危變靜琴刑名新世
網禮樂舊叢林所遇哲人少誰聞中澤音
及身吾已泰多難想凌冰吐頰老來倦湧幢少未能分陰銷半
篋阻道學全笠不悉乘除事中宵數撫膺

爲人須可賤傍物那能全况以瓶罍器而承概滿天扶繩猶錯

履切響動危絃四十九年近年著後鞭

年年一作身身

漆園非不貴微至逞難遵中道宋諸子上根易數言當消泰

岱彌海失崑崙勿說千秋事孤餘罔極恩

正復何須食未應愁不堪多金徒死智九鼎坐烹慚但識簫韶

枉便隨丹漆南日中能顧影毛領尙驂驪

炫售無寶具彈射總他山入市魚苗賤當溪石子頑牛醫吾老

愧馬糞世家慳七寸儒巾上真多虎豹關

鄉人誰得免思古已多說有子縱元亮無交惱少游乾坤雙納

履姓字一鋤鋤梁笱吾何卹繁音在宛鳩

楊庶子慕垣劉中允仕徵及馬劉二侍郎皆以武試事下

法司久而得釋詩以送之八章

塵途勞灑雪清晝此終風主聖才難副天高力易窮白頭逢好
武壯志失從戎蕭索文章事霜威滿角弓
豈不懷薇杜未酬魚藻恩虞廷干羽遠舊事簡書存放詔啼丹
鳳鸞弧泣白猿祗慚千載裏未共講橐鞬
燕然銘亦好何必抵伊吾劔氣斗間落文星天上孤驪黃傷伯
樂欄具傲風胡未墜絲絲事歸裁亦老儒
磨剝長心學艱危識泰清道猶通勿藥人不字更生浣火身名
出燃灰世態輕知君能脫灑藉草坐吹笙
祚明天意遠鉤黨未曾興報國楚材盡讀騷湘鬼憎日中翻鹿
夢水滸上蛟脊莫誦履霜操春風漸破冰
文網猶三面書灰各一時獵人詳怪獸盛世慎非罷臣子素心
在神月伏劔疑自知禽息賤不敢碎階墀

羊古今無恙鷄尸殊自傷風雲方板蕩岸谷爾尋常齧齒局時
事然眉念國祥當年論語本曾累負蓬桑
頂踵屬君相肝腸還老親顏流新到岸破塚此抽身不灑牛衣
淚何慙蠶室人幾回易播意今已付秋□

七驩詩

自庚午入都適逢 退微祿可偷六月而後法網滋密
遂攄狂言幸逢祝面辛未秋後復有嚴霜官聯重立僕
既三疏乞骸伏枕支離猶存餘息視諸賢者前後繫纆
譬諸草木傍崖槁立視斷溝者以爲榮矣因作是詩明
其權私以章浩蕩并示同人

鳳圖不可冀螺蚪未還居巢託焚山後人耕洪水餘危言銷斬
馬吉日候攻車邊圉能無恙三年泰古初

孔棘古人有衣冠何足尤懲羹成禁火駭浪逐焚舟脫悟天難
墜當裁海欲浮可憐丞相意猶護狄山頭
感穎吾知命拔身難得輕攜烟來紫頂縋索下青坪七獲人猶
大三炊玉自生興時無俊物龍比誤垂名
池籠何意嘆韁鎖亦悠哉不向遼東死浪從鼎耳來廣陵遺散
在黃頰答書回問取諸賢意願分血一杯
房相已真敗李陵亦果降千秋開血路白日擁疑幢詩史今無
賴癡人古有雙陶然須一醉矛戟莫相撻
有生須退老何處不樵漁野葛橫無害門關合就鋤段公新削
牘蕭傅舊焚書當軌尋常事相拚寄子虛
谷霧亘千里人灘幾十重鶴巢生夾刺鳥語失高松鼻骨老難
媚額毛久自茸閉門四百日未爲不從容

七虞詩

辛未武試後士氣益衰言路諸公雖自磨礪而持者愈
急提防旣壞委柄遂非中涓一動不可復拾二東

浸復難防若華餘慨再爲是篇

朱絃不按部玉戚豈當鋤畏覽名賢傳羞題慶厯書蕨薇春肆
好陶夏古云徂堪嘆青天下蕭蕭乏鈞屠
有道惡腸熱長途惜路斜松筠銷已盡蒼菜坐相誇大地方刀
割千山一指遮翻疑禹稷意初不顧官家
秦晉饑戎久幽青烽火連衣冠談不效弓楯語誰便魚罾三星
滿鳩媒終夜翮書生心眼窄安得禁泣然
陰晴非不告室子爲誰勞秘策餘溫樹臧謀但二桃無方能使
鶴有命且教猱豈獨吾懷三乾坤共羽毛

不識初終雅應看大小東禁園永建後邊計元和中較獵隨
眼摩碑付國工威垂無一斷風雨自蒙戎

苞桑古所戒不合說安磐白馬輕漁艇西師狎撞竿一官千歲
樂微睇百人看爰止傷吾黨誰家賣籜冠

淮陽無慙語天子忘遺言騎虎彼人是爲蛇非我存岱華春掌
覆江漢暮塵翻縱道談宣室猶當弔楚魂

壬申元夕後姚孟長招鴻寶汝止來酌余邸見黃平倩詩
卷欣然言和兼以志別七章

園禽何日變榆火一番新白髮到頭近窮交入骨親眼醒分竹
醉色舉見鷗真前輩詩筒在森然見古人

鴻燕差池好飛飛不得俱易歌隨酒盡朔雪過江無夜冷消詩
燄天傾屬鳥扶現前輸一棹割夢與西湖

馬色信朝昏何人不故園楚舟同到岸越水各臨門倦客知魚
樂靜琴得鳥喧浮名依朽骨相對此忘言

世誰憐蓋尹客莫訟梅生危松催鶴戰平楚放鳩行落日山還
在上流水自清匡扶書史澹愁作蠹魚情

叩角古難遇抱關今亦休一杯藜火借萬里兔絲遊久散張衡
直新題王粲樓山空鹿豕僻何處更幽求

釋躡觀天下猶啼江水秋烽烟萬樹接生計半瓢浮不賣盧龍
塞窟從魚復侯千春開腐手合記小山幽

百尺雲霞篆能憐荔薛裁青春分劍去白日串珠來不合生芳
草何期向隱雷江魚通震澤儻許素書回

臨行再發疏遂成僂民適文汝止以硯見贈硯是汝止十
硯之一面有月暈製成雲荷已築齋居之輒捨贈我侑之

以詩不敢不和也四章

相見知何日分攜惜所歸能存相見意未斷分攜徽說劔古人
晚佩刀道者幾磨礪身後事此願豈容違

十齋分一石損益妙中看割骨青山痛洗心江水寒魯殿餘光

在秦碑無字寬低回思硯北隻眼爲誰歡

思硯北一作詒硯者

愛爾能沉默因君識研幾堅貞名哲遠寂寞素心違曲突關誰

燄焦桐悵落徽牛衣陽子嘆幸未賦同歸

慎勿悲聚散枯榮各所歡已穿月脇出不畏馬肝寒霜剡一峯
割日華九子看青天青不殺想路自應寬

是晚黃綱存司業蔣若柳宮允馮鄴仙給諫小坐限韻各

成四章

小草無安節長松多怒鱗馳烟人不悟招隱客生嗔岸谷四時

好滄桑一夜頻相看猶盛世石戶有遺民

詩書不可伏渺論數逢漁海眼著苔碧春拳對蕨舒野人安被

髮山叟樂焚車蝶世撚花盡真成一夢蘧

雲傲愜天放山樓慰鹿朋鏡中虛影脫方外姓名謄早識官無

著焉知鬼可憎鶯籠排幻處千勿寄擔簦

山幽宜躡屐白日利青篔不敢伺龍睡何能避虎苛野曠隨張

網庭空別置羅安危公等在天步未蹉跎

日利一作月和

騎驢出都數里許蔣若柳使人馳玉觚一具以溫栗見箴

並用爲別詩以謝之四章

淵匠多清韻玉觚寄野人銷將北斗氣澆與太羹醇已碎鴻門

夜仍膠瓊樹春馬頭飛絮屑何處展清塵

清一作香

我亦非輕喜相推時使然欲灰隨化石未壞合支天折骨還親

父解衣謝昔賢應知瓶響裏片片禮君前
豈敢持風教聊因灑道根白圭能免侈青史合垂言
枉影看無恙心苗老自存此懷吾亦領未忍負人恩
干將須一缺瓦甑兩難支畏作大人論合還秦豆時鑄金生不
願撲滿世須知莫墜摸稜意殷勤答所私

清河舟次逢李小灣宗伯之任南都四章

河一作源
李一作武

江河看不極舟楫莽相依南斗著山燦東風入纜微沙根留鳥
篆帆影澹魚衣忽憶離窠燕銜泥何處歸

玉軫無危響淒風有驟音况當孤島勢空徙達人心水淺魚龍
涇天高岸谷深方壺相隔處一箭九千尋

彌月稽千里將如萬里何長途弦上箭失路影中波淮海虹霓
亘青萊蛇豕多南行丹漆夢不敢溷車輻

嶺嶠文明表留都天下根清時搖羽扇白日奉龍門不託要人
徑方知大禮尊後生雖割席猶及想纏緼

舟至留都見兒子出痘已瘥便浩然有五嶽之思因僑舍

城隅自儻小舟泝江而上約以五十日盡黃山白嶽九

華皖臺匡廬之勝十章

案第十首鄭白麓本闕
從舊刻石齋詩補

損益吾知矣江河曷所之蕭蕭卷旆馬霍霍失鷹師五嶽自婚
嫁長風慰別離何能老牖下引槩勒鷄碑

君平宜世棄示度與家違自領達人馬知塵市非微生存鳥
羽老計盡荷衣何處不堪結雲畦共釣磯

獨往長知命乖時似不情青天無別國丹壑有長城講道存魚
鳥傾心事瀨清未勞常曲頰吮筆佞書生

文貌還朝責任真宜野人春糧霞液在高坐石團勺鷄語不驚

畫桃關亦放春所憐羽翮短畏受盧敖嗔
非羈吾何忌問天先遠遊白雲高士髓絕壑逸人樓不負賣書
債如償良友求欲焚大地史別鑄短筇頭
行世信車馬歸人臥故園此情非不老微興渺難存衛玠空抱
膝榮期坐擁禪餘生如我好女僞亦孤尊
要有獨立處應看縹渺山魚蟲斷四路日月度中間一草真足
貴微雲不等閒蒼崖如脈望何處是京關
莫信崑崙外祇須萬里中搜神天五臟寫影日雙瞳不識貴人
面安分船子風從頭炎皞業轉壞在秋蓬
拔身出世易納眼貼天難尙有人間意安知物外觀風高石髮
紫年長鶴冠丹不向圈欄裏分他秋水看
鄉山誰信美輕骨未能忘岳色初經代出淮流但導楊舊詩存漢

廣近史入秦荒何獨烟霞意楚然水一方

將發石城而楊機部適至

聚散仍黃葉飛鳴又鳥身要盟難到此諾責不關人雨過青峯
笑帆欹側岸頻一生能幾悟悲喜欲沾巾
獨往捐生易相期話素難突灰猶識面破竹未藏肝髮比舊時
白心仍此日丹籜冠輕薄甚相對不須彈
何嘗忘世事初不負君恩薇蕨青山路菰蒲白板門貧窮生覺
好放浪老難論彭蠡舊相送寒裳涕尙存
神明在餘生夢寐來片帆相對起半榻一時開天
差
過江數往迴掩留皆客子未忍遽分杯

黃漳浦集卷四十一

詩

五言律

出都久不知吳給諫執御吳侍御彥芳告宥消息夜仰
北斗泣露沾衣為賦八章

鹿命自孤懸麟傷何必憐清時宜鎖樸囂境失安禪豈為風雷
誤應除月旦權區區諸子盡空使道如弦雷一作塵

有救即為藥良知蹈火難呂梁天勅斷曲突世殊看讀史妨同
舍誦書諱比干浮沉何不可不合自言官
百尺無枝好容扶數葉陰人才皆掩日世道豈安心甚楚收時
涕芄蘭舉自箴開蟬啼不斷亦為苦秋深
往鑑不曾遠莫尋舊史中狂言白馬令得旨丹雞翁去者已難

青澤齋集卷四
一
挽仁人何必同鷗鷺隨喋暖感慨此無窮
不語愧青簡多風負貴人螭頭良苦事龜竇盍安身國是千秋
定天心當夜春安危關世數瑣屑豈須陳
亦有難明處眞無才可稱鹽車皆驥子遠道各蛙脰魯國輕張
儉秦人賤李陵簿書何足道掩涕向孤燈
若案時賢罪維予不可言吹蘋生眾浪監雨失傾盆已散赤刀
氣空教白虎尊無緣結蕙草一一報虹蜺
感恩自天性豈必覩人危正爲投生幸方深失棹悲艱難臣子
共脫卸世風濤何忍分魚網更歌兔爰詩

遊天治山詩爲劉賡美賡穆兄弟八章

多癖餘泉石晴空共掃雲洞幽迷鳥徑花老足苔紋海氣開新
曙鐘聲趁夕曛同遊如此少暫結嶺猿羣

湧翠山留色寒花繞石城漁郎關宿棹帝子倦雲駟接水來新
瀑憑欄送逸情星烟聊信宿拈語坐巖更

似有蘇門興欲依雲外天屐危防草滑木落與烟連夢冷梅因
瘦鐘稀韻倍懸殘杯破佛禁不觸鳥安眠

盤石垂雲嶠梅根撐小樓玉岑看已慣丹竈惘難求捉鼻撻殘
菊篝燈勘比丘夜闌銚鉢靜香草自輕柔

庾林多異卉紅葉况冬花興爲寒山發詩因永夜加泉縫石海
漏雲聽火田斜野露催人冷輕霜裊柘柯

空山思太古烟篆半難描夜氣深禪理庭花慰寂寥溪幽疑隱
豹霜過淨鳴蜩小築題胎玉尋常駕鍊橋

管徑新開處花供初上朝鳥啼鬆酒政書架射僧寮連蜷存叢
桂蒼茫誦小招登臨如不極雲樹未飄搖

補衲煩松蘚，寒衣聽石梁。雲根寒欲落，海眼細難量。不逐遠公社，誰攤支遁床。天城明日約，刻燭夜何長。

魯未祁書至復存焚草十章

還筆成遺屣，高人賞落花。就陰難滅影，倒樹又鳴鴉。偶疾何當掛齒牙，隴頭鋤麥叟痒背。搗

羹勞熱手，薺亦驚心滅頂。未經過褰裳，誰信深青後死。夢黃葉老兒，暗多少花供飯，偏吞棘刺鍼。

當年語今知老，不能前生矇瞽史。外道板床僧，鬼愛深松柏人懷軟髀，甃此間看未透。顛倒擔頭籐

莫著鼻頭火，閒消肘後方。鼠肝無怛化，熊膽不須嘗。吾道明朝掌天星，細夜光因思前輩好室鬪。未元黃

損益隨人悟，劬勞念所生。祓除緣底事，割殺爲時名。野曠山官

淡天高海不平，竹林青等等何處。少涼城

眞箇爲貧仕，癡疑作道看。千峰孤掌出，一指一絃彈。知我皆寒峻，嗚予卽好官。無多毒木休，匹古琅玕

態修能亦鄙，人鳧波親上下。鴈隊老君臣，德無學患生。爲有身臨河，迴軫處初不睹。嶙峋

路

杯人失色焚

難知一

行到爾斷臂，有誰師

非吾願迂愚信所尊，掌中開鳥道額底。天門勇

眼時清誓不言，當年焚草草悔未細評論。不文章力但存命道，初千誰記得小興足歸與洗血碧池

淺投身雲樹，疎勿貪異日史多點數行書

自正月登州旣陷東事難言賊復圍萊自二月至五月未

有好音言念殊勞再舒狂愾九章

萊左出天脇干城誰可論重牙圍節鉞五月斷囊韃志玩豺狼
傲音疎狗鼠尊甯無竈下卒一過田將軍

揮汗勞風雨為期亦已多投醪存撫煮餼待荷戈一箭不相
值長城空柰何當時太史義追騎度膠河

未聞卽墨智儘有睢陽期四海方無事一州遂不支關門經戰
苦畿輔出師疲不奮淄青力終煩王者思

直沽成要道淮海自安流不戰雖長策周防亦遠猷遑人輕走
馬萊子便操舟每向東翹首癡勞欲白頭

早息幼安願今銷逢子心島門生處有布帽老能任衣醜無如
介藥踈不用蓑蕭條十尺竹猶得保江濤逢一作蓬

歲是蓬萊厄誰當清淺看扶餘新拔國徐市或開壇罇俎天無

恙魚龍海自瀾不知通德里能似昔盤桓

逸主長生願放臣蹈死懷神仙期不就將帥雅能偕鳴劍伊吾
北留書碧水涯浩然均一笑高興與時乖

不合優鄰舍何當罷亂臣飛魚無死藥坐蟒有張鱗天下登萊
眾當時禹稷醇且須愁井里鹽海欲生塵

素厲靈無勇精思勝野謀旁觀宜翳葉掃跡合藏舟井里非吾
事菰蘆已別秋浮沉天地在浪語莫驚鷗

乙亥秋偕諸子卜築江峽峽改稱焦桐山四章是詩識厥始也故冠

於焦桐山發
未以後諸作

好友信難聚顛崖不易持何當奇石出頓使野夫知結夏思樵
子穿橋問餅師一年能幾日對爾坐支頤

野艇不受釣殘山輕築臺魚溝隨地鑿鳥穴怪人來客作知新

徑菜莛足舊杯偶然談剡雪乘興欲耘梅

幾年台蕩影尺地江湖心履齒明於月荔裳癡到今不貪流可

枕祗爲石宜琴何日扶藍輦成陰過竹林

未翦羊茅椽橫思青雀舟半湖適遠郭少臥當高樓客至山中

蕨人歸水上鷗看誰清夢裊白露共蒼秋

又用仲求韻二章

柱下看遺壁山阿識舊桐雲旂飜宿夜雷斧淡書空頗借漁樵

力聞收罔象功清秋七八月儻可領長風

世少陂陀好山逢突鷗佳道留孤掌在天戲眾峰排委蛻頑僊

合踏虛青鳥偕白頭肩背裏未免著洪崖

用而遠韻二章

倚仰未陳迹悠然何所懷支天餘碧血補手競皇媧程石垂將

古乘生老益崖羞爲三里霧賒結九年齋

風雷還石笈卉木念雲章賴爾續殘夢爲誰護短牆圭峰存鬼

斧鐵壁滯僊艤忽憶幔亭下枯魚帝子鄉

用勗之韻二章

小可尊三洞依稀表七臺不教上壑過頓使神明開奇割天垂

憫生殘鬼復來新題鑱子骨各向屏風迴

卜築胥靡老爰居鐘鼓新巢雲未化鶴藉草亦同人石貯青山

飯松標高士巾因無豺虎處共爾保嶙峋

用鎮樸韻

復爾開荒徑眞慚久索居峰丁謀智始谿叟字愚初別劍摻遺

匣亂雲識舊鋤何當對天子更說故人踈

用仲放韻

鍊成愁異物倒景各寄嶽一尺榘爭坐三分足外臨藤花通客
路漁父黨人心便製扁舟去盟鷗白素襟

丙子出山攜義從別諸親友二章

干耶不可作缺折况如斯橫艸知無賴褰裳此一時腰鎌新得
力馬鐙舊支頤奚敢從輕薄昇平臥誦詩

一旅勞裝束逢人勝弟昆應門穉子在肩難老身存世豈乏長
劍家徒變小園慙語叢桂似爾未爲煩

都中簡寄南還諸友四章

丁丑

八載勞相憶三春又夢過衣塵隨馬落籬雨送花多不論文章
契其如情慄何愛才兼好老年事未蹉跎

嶺梅貪早雪巖桂喜遲雲天意存開美吾生易失羣名緣新亦
淺交臂久難分草次看鞭影離心相對焚

以我不盡意逢君深相時人才成樵境世事近鴟夷道貴千秋
合心留諸子知風濤胥渡口未寫及門思

通顯易爲別艱虞交始深登車思故劍采佩憶遺簪自擬蟬依
葉何愁鶴在林歸雲西洞裡儻可遂招尋

濟河答友人四章

魚雅看天下穉狂獨小臣焚將書發焰借得劍留神膚髮還父
母冠簪奉等倫因君思翠竹果未改霜筠

匡時誰共奮報主我全虛著眼雲無際回頭鳥不如蒼生看厝
火白日動溝渠老去知何日關河再訪余

陳力吾何敢顛危聊自持風高勁草恨流急小舟知啼鳥懸心
血冥鴻出羽儀所馮天子聖野老莫攢眉

積雪有時霽奔流儻不同一身楓葉冷萬事老猿猜殘史青山

眼初衣脫鬼胎莫從詩本裏草草問風雷

潞河舟中偶作二章

畫艦忽人面溪風亦世情不愁青雀滯故作白波橫耐事非初
學窮途莫步兵嘗思石榻裏香磴與雲平
衰亂一身在長懷明發多事親宜土室退老或鷄窠木脫風無
力舟輕水不波茅牆黜柳下愧已數經過

潞河別家兄二章

通顯世無賴艱危老始安一身隨客夢何草藉天寒悟道因翻
葉愁家爲滯官不知今夜月應作幾年看
白髮行相望青春誰抗顏不攜妻子出翻與鴈鴻還敗興非戎
馬知余秣暮山何時剪菊葉團坐石床間

關門待聞二章

不候權門好甯辭水次勞人間疎鬼帝草裡密魚舫兩岸遲終
日白髭變暮鴛應憐北渚老抱膝坐蘭皋
野氣不能紫津人安得知孤舟容半膝閉戶想當時避世愁笳
鼓休糧憶屢屢何堪臨水望鬢髮照如絲

何元子劉晉卿趙景之同發舟遲久不至四章

千載中流事一時逐客過盈盈看水隔汎汎柰舟何吾道終登
岸天心未改柯殘碑當劍繡對榻與誰歌

信宿成千里銀河夜未通飄零分鴈字遠近失魚筒眾望歸才
子孤行獨老翁尋常論舟楫不與此時同

離思誰最苦失路想同舟攜手風吹面銷魂水北流人才紛落
葉心事老鷗鷗不識回空艦能分幾斛愁

親朋天愛護同串少安排月魄死仍活梅魂冷欲垂不因齊破

陣那得屢經懷一語傳相憶鷄鳴風雨啣

偶作爲一開府二章

杯酒憐同舍寒風感綈袍舟艚天汎濫鎖鑰爾賢勞失路客萬里乘風鶴一毛森然見武庫不敢問弓刀
中原方落葉蓬島未揚塵一葦關天下千艘結水濱烏王新幟號龍母舊家神不復說鞍馬石渠愧比鄰

別族兄大令二章

里舍同遊好長安分手頻莫爲朋串累不似女兒親割夢啼黃葉因風醉白蘋兩行珍重意蚤已寄家人
別去緣何事吾無愧此心微官天浩蕩遠道客蕭森烏意通行李舟師辨布衾到愁兄久滯雪色滿西岑

途中寄鴻寶二章

逐客已千里圍城今幾時通灣真陌道樊口况舟師雪屋高人臥秋風猛士悲一生愁寡特儻有孝陵知
家園非信好頗不惱朋書鶴怨出山後鳥啼入仕初全生花躑躅無恙草蘧蔭十疏頭空白勿疑音問疏

出都寄淮上諸友二章

烽火已成劇樵漁未到家蚤爲村客好坐覺古人遐郡縣蒼生繫巖廊青史賒衰愚無可似閒計隴頭畚
遭逢吾亦可悔不領鷗鳥坐見吹雲盡管愁明月孤湖平眾鴈立風急隻帆呼曲折今生事天涯識老迂

寄徐勿齋諸兄二章

再出邊塵後重歸馬前弓刀不結髮雲水自齊年年坐使情緣盡翻成道力堅乾坤留對榻臥散草堂烟

黃真乃集卷四
憂世今何日遲君未出山艱危天屢造陰雨鳥空還聖學義農
上人才季孟間無言能悟主有涕此潺湲

留別江上諸友

青史誰強項白雲我貴腰終年焚諫草一夜長蓬蕭刻劍爲花
約留松與雪消何時更促棹話退海門潮

寄諸同志四章

催老人鬚鬢看書忘姓名未成新禮論多愧舊經生遠浦蘭猶
馥初瀾鳥不驚因君思友樂不復惱朋爭
四海皆兄弟孤舟誰比鄰霜摧兩岸草天剩一歸人萍梗宜爲
客松楸看此身可憐中澤鴈噉噉更沾巾
論世風波久思君燈火青龍師知不佞蠹簡尙能靈斗寄千春
柄天巖長日扁爲誰留古道鐘磬老虞廷

宗祏還多福諸君任客哈官高良自快天遠那能知 肆有窮
日朋傾無盡時醫閭崖石上莫勒南山詩

登泰山絕頂四章

棲遲五百里勃窣一登臨卽此漸鴻意殊非行道心鳳鞋蒼嶺
路鹿尾小松陰何處尋天下培塿視古今
亦畏天門路除無虎豹關穿將羣險出喜得兩觀閑真氣渾能
俗流雲日自刪因思泰始者藉草坐中間
丹黃如不滓面目尙依然賴有千尋氣還存一握天蒼龍鱗甲
古神女鬢絲元欲去與誰約鴛朋信兩肩
千峰能總翠此道亦希夷削笋如無石分岑別有姿似因地位
峻勉與物情宜西去馮青鳥華峩寄所思

岱頂觀日二章

海國尋常望中原特創觀浮雲時退舍紫氣乍登壇不住湧天
眼難名轉道盤蕭然何所怪自弄兩丸看
日出遍天下此間殊不同知無新祓濯不似舊曠曠大地成空
鑑千山領慧風多因諸障盡况在海門東

還山道餘杭有作六章

去事日空闊歸心有所謀急流欣到海翔葉喜驚秋鄉信看雲
近君恩入草柔離家猶記得叢桂小山幽
孤帆秋不望繫楫總勞薪野鳥初聞嫩餘魚未損鱗艱屯心最
細落拓友更親忽憶春明外啼鳥避塞塵
名海初無恙風濤老始深津梁疲岸谷裘牧失追尋不伎惟藜
杖能歸卽道林半肩行李外不敢載霜禽
至道容天悟物情惠未通蚤知仁義累賴與古人同白鳥信高

足青蘋真老翁空山樵子徑隨意斫東風

此生已絕學未有釋憂時古道今無用物情天所知鳥耘北郭
稼虎護東園芝隱几看花露何勞泣素絲
擬作藏書窟兼營逃筆臺亂離存古本記誦得殘灰鄰舍依漁
父新車付酒杯偷雲五十載詎謂不康哉

山中紀事間就六詩

至山中已三五日諸友杯酌不閒披荆撥刺無遑筆墨
間作數詩點致而已殊又不能推敲臥子梅生既下小
舟又黯然思別屈指歲暮料理松楸迅於飛鳥而羲兆
木上迫作紀事援筆匆匆不獨情事不暢而景物形致
落落遠矣記數日藤竹停音覆被餘夢間就六詩無足
稱者恐遂遺之聊錄其艸以存於後後之覽者知出處

聚散之會未能無芥於懷也

禹稷不當世巢由欲買山人隨飛鳥度心與倦雲還竹實留春
白松花寄石班同遊惟我老聊爾一開顏

此間饒古色大可煮丹心舊洞從樵得新溪與鹿深避秦人不
誤臥雪逕難尋重結茅亭去荷鋤過遠

虎兕疑人處親朋藉草來雲收宜訪竹臘近恰移梅門戶關樵
子經綸到古苔七年初再度荒徑爲誰開

已覺邊塵遠坐聞石氣香園丁依竹母僕子傲雲房助我惟籐
杖知心或酒鎗乾坤容對榻况有月明光

燈影移垂竹溪聲壓凍雲定從鷗作侶莫使鹿離羣石髮留仙
篆藥苗託鳥耘避人與出世於此未能分

泉石容欹枕風雲無宿心一官翔木葉危屐下層陰鳥路循青

火鷄窠望翠林蕭條憐謝傳垂老此幽尋

集間各拈起字催詩二章

諸兄小集各拈起字催詩如燈影泉石二章皆義兆拈
鐙泉二字發端以次落筆翌夕再拈江罩二字亦隨應

手刻燭催花於是變響矣是等伎倆都是可刪要以一
詩晤對之情留爲山園醯醬而是日胡公占初至自江

罩而下各予與公占聯句

江水旣無恙雲松渺未分山光當戶涌泉響隔溪聞於此少茅
椽何方領夕曛夷齊應不遠始信古人云

罩竹烟將老還巢鳥正初山青憐夜火交冷悅殘書客至鐘聲
穩月寒木葉疎多君來剡雪逸氣動林於

僧繇致彥升爲浮沉發詠依韻二章

無字銷魚鴈書空付老禪芥橋通蟻海木劍負龍淵水契存郵
外交情在筆先江神藏拙意不易語時賢
倦雲看已厭逸鳥爲誰還豈識世情淡莫因天步難新書省破
玦舊本自連環誰得惠莊意相忘桃李間

出大滌將渡胥江而羲兆木上諸兄又申湖上之約會倪
鴻寶祭酒來自山陰遂偕朱士美邵先之施管方繆子元
陸夢文姚有僕何壽平陶贊皇陳頴凡仝入靈隱登磬光
有作屬鴻寶羲兆木上和之四章

欲探湖中雪遲開江上船梅髯應蚤白客意共茫然世事餘枯
石文明滯遠天自攜藍輦好恰在古人前

木落見山骨霜元知竹心冷泉猶啖石凍鳥未穿林鶴唳此間
少塵何處深君恩存兩足隨意坐高岑時鴻寶將
邊信見示

茲峰久不到重到倍名巽慧力歸真宰頑心獨老樵村烟未破
面野竹尙尊腰欲就取中宿聽松試當潮

缺事有屐齒危心貼石欄不貪湖水灩仍借草堂安扶病脩籐
政衝寒剝籜冠非因家信遠業作故園看

將行矣爲諸友繫維三日又當言別賦此爲謝二章

豈惜此共任其如道遠何火田供秫少水碓入雲多垂釣一竿
去撿奇半榻高故園梅已綻江嶺况駸駸

何處無蘿薜苧綿尙客衣分心難學道望遠未當歸野老蒼生
淚高人白板扉莫愁朱與李有遜未嘉肥

長至日鴻寶別有約去有詩頌之翌日同有僕木上過石
屋烟霞抵晚始歸與羲兆士美壽平同賦四章

繞岸眠殘柳輕舟壓細鳧但云山路近不覺客身孤佛火垂荒

黃澗漁集卷四
三
塢漁燈照晚鳥穿橋槩影裡月色滿菰蒲

十洞九連環千杯坐不闌山猶終古好人少白頭看鑿徑通西
竺侵湖試釣竿家園能有此吾亦早盤桓

巢鶴詢歸鴈相將意若何偕來知不眾從我已爲多雪屋松絲
落柴扉樵子過何期踈島上踏月坐青簑

亦是當年事休官老復來無方療痼疾有道破莓苔高士黏枯
壁癖龍避劫灰誰能向絕頂別築曬經臺

同倪鴻寶過十八澗四章

諸友自石屋歸多話十八澗之勝者約鴻寶去不果翌
日鴻寶乃攜伊蒲饌過十八澗憇理公禪堂歸自新庵
得懸崖石壁空嵌殊常足振前觀蓋再度烟霞之嶺矣
濟勝但如此包還已不倫似留無盡意少割與奇人破被千層

石騰崖百尺身何年移瓦屋鎮與老松鄰

居人不到處許郭豈經過寫酌酬山鬼然香媚鳥窠嘯歸情不
惡理此意云何爾汝十春事高吟動薜蘿

六橋一線路尺蠖日幽求再躡西峰屐屐頻通小港舟佛雛十鼓
卵石浪百船鷗從事無多客莫驚王子掞

不畏浮沉宅何愁化日山石材尊老朽主意入空閒試結數椽
厦能消九豹關乾坤未破碎儻爾重開顏

自新庵歸宿西墅遂渡胥江何義兆曹木上送過富春因
登釣臺共賦四章

誰信心如水翻爲不繫舟日光看側岸帆影自中流潮至海門
白鴈歸山寺幽銜杯經宿處回首屢生愁

江色森無際風濤刺此身松鱗題傲客梅眼覩歸人爛熟羊裘

路蕭疎漁父鄰諸君能好我未爲少交親
知爾輕千里况茲一水間招招舟子在落落客星還空碧溪流
迴冬青古樹班看多烘火者莫過嚴陵山
魚鳥自安闊朋從安所思畫圖入夢日同學失羣時有道尊腰
領全生寶釣絲因君懷鼎足果亦未爲癡

嚴灘留別義兆木上並謝諸賢及鴻寶一章

青雲無故舊白水各鬚眉世道看後死星辰安得知山留五尺
杖天碎兩朋碑講舍屏風上應題伐木詩

塵清不遠仗策爾多材枕漱詒吾友明潛避世猜長天容寄
鴈晚歲各銜杯重晤知何日梅魂雪未開
聚首可經月爲歡毋以多藤根穿白洞鴻掌領羣鷺鬼妬道林
興風憎名海波寄言倪祭酒陽白自爲歌

魯瞻臥子同過靈隱二章

約爾巢松去逢余墜葉時幽芳石榻共遠志薜蘿知世事留賢
輩雲達愼羽儀更無能旣釜爲煮夜明芝
連床何日契扶杖此同游古道看諸子貞心結素秋人無車馬
氣天洗鶴猿愁對影忘花發移家憶葦舟

同彥升長民呂宗登飛來蓮巔以彥升請促筆作五言

登峰何所極古剎碧松邊濤氣歸巉石泉心與靜絃墜花留過
客放鳥認前年不識青坪路今奉百丈蓮

步出靈峰滯雨湖上同邵先之姚有僕朱康流陳彥升諸
兄分賦五章

此事如逃雨長途又水濱笙歌愁急火茶筍喜幽人一宿宜遷
樹三餐媿伐輪浮沉乾寂地不敢問迷津

選勝猶天放入林共鳥能姓名潛過客鬚髮辨山僧米價今猶湧墨花久不騰相期何處塏結足最高層

送卻魚蝦路消將猿鹿羣松花十日落萍雨一朝分疎頰皺明鏡澹心點白雲去留皆汎汎靜者爲誰君

梅雨溪船出繁烟汀鷺飛未分蕉鹿徑總宵薜蘿衣窮鳥穿花榭餘魚旁釣磯同心深拔刺凝睇自依依

烟霞新覓侶蟻海昔橫橋驟雨彈春夢微風送老樵葵尊夫子足柳護官人腰不識胥門路能忘舟子招

出靈峰謝鴻寶瑞屏巢軒諸丈并別涂德公三章

千山難着屐雙膝強追歡苔蝕幽人座鼠銜高士冠鄉心關罪業客餌謝平安白米青尊飯猶同石髓看

從此皆上壑於今信草萊野人扶杖過石笈瘞書過不復親官

楊居然避債臺相知誰最好男子木蘭才

何端思去女未敢嘆歸歎嵐鎖開山屨鳥啼下澤車僧田賒筍蕨徂賦剩芋藟松菊荒荒處未能捨舊廬

金華舟中同徐節菴賦得偷陰愧主人五章缺一首

藿食吾殊愧燈心老未灰入山歸已晚浮海夢難裁烏鳥餘音樂龍蛇舊穴哀何時翻碧漢更與洗雲雷

犬馬猶知主顛危豈細娛人非甘左衽天合贊南圖越國多君子秦廷少丈夫同袍三五輩可有無衣無

取笑佩間劍行啼鳥外身烏龍關故國杜宇問遺臣多憶滹沱飯重蒙京雒塵可憐逢躡者誰是講筵人

宿姜質園似與可兄丈

見浙中倪黃合刻帖

亦是苧蘿月偏私荔薛天敲魚通鳥寤借夢與人圓碧水皆成

鏡青梧未上絃何堪歌采葛更隔一溪煙
獨宿不成夢驚濤又問松響廊侵屐齒種火動魚涿地主分花
飯山農辨晚鐘栖遲能幾月相約採芙蓉

已卯秋駕季瞻未得騁也為之兆矣明新廷對并為祝輶
意不復千里諸兄并書四章贈之為發一粲

見浙中倪
黃合刻帖

小築寡清趣為君爽氣來白光浮四壁香暈射層臺夾岸梨花
滿穿欄竹葉開不愁人美盡天意尚憐才

兒爾今鷗發使人知讀書青雲猶有韻真宰未愁子救世季公
度搜才陳子虛平生農圃意不負晚耘耬

真似愁戎馬私車未損田書生能助賦天子尚憂邊表餌踈無
用罄鴻深可憐春風何日騁文繫莫拘牽

聽詔決明王彈冠癡古人道因獨往貴交為別離親鷓鷯無情

隊江村多喜憐勿將舊門難輕解馬頭塵

季瞻諸兄弟皆於予甚久託狂蘭畹未有以贈也聊此奉

正已卯至後三日○見
浙中倪黃合刻帖

文緣何可冠好友未能忘欲斷葛蘿路驟聞蘭芷芳支頤看劍
繡曝背近琴光禮樂今誰可清時誦小匡

世莫虞才盡人今亦僑生十年花別樣數節竹天成白鶴非敦
素華蟲未改清應知名教力不甚負王正

聳後存來彥拚前世所宜專柔成要術丘復得非夷掩口談吾
黨強顏說盛時蒼生肩擔苦勿與老人知

逐物櫻心盡紛天樂事多閉門親鳥雀欹枕翫松蘿名士時相
顧鹿羣夕屢過青春消息好吾亦共摩挲

莆陽宋幼龍再寄惠首一章

已卯二月
从人帖錄

曲折青雲路淹留作賦才如君猶不試似我曷能來少武推時
尙微閒起世猜相貽陽雪盡懷抱與誰開

吾道銷聲日幽人獨往時蘇門猶失嘯老嫗况吹簾野
驚黃

艸春風隔繡蹄何能更捉鼻追誦雒生詩

楓亭逢曾叔祁示諸近作詩以答之

已卯二月
从人帖錄

風雲不得力昏晝此開眸破袖千峰入垂襟明月投領從天不
如光發鬼知搜不信駒千里公然世寡儔

以此陵霄漢何曾藉父兄天懸雲母障玉砌闐風城知我甯分
罪看人不噉名老來稀見獵恠被爾驚鳴

庚辰江渚別姜燕翁李梅公頃從之兼諸父老八首

風濤安可問踪跡已如斯勝送魚龍苦畫圖虎兕疑一身餘襍
被四壁斷茅茨愧煞草堂檄幽人知不知

此豈尋常別何爲生遠將道乖天尺五人異水中央靈瓊窺猿
檻還魂施肘方但馮忠信力果否蹈洪梁

癡朽亦人子孤危儻舊臣詩書知不効膚髮與誰親老散鷗麋
伴新盟虎豹鄰極多漁父意未敢滯江濱

鬼徑穿雲竇刀頭轉藥丸一肱容九折半咽謝加餐生殺隨明
主風雷涌小官履霜與別鵠初曲已難彈

庚辰長至後五日書於白雲西庫時臥起正一百日也四

章

世道依稀在名流風教齊岑牟天覆被崩屢鬼提攜穩貼魚蝦
市蒼茫桃李蹊明河數滴雨盡灑大江西

豈不樂茲土已懷檀樹憂鳳衰無覽下麀怪得幽求藥裏慚干
祿薪擔惜反裘到頭多罪過不在此離愁

清晝難逃雨遯荒豈素心似逢開闢網亦有失前禽驚鳥虛弦
落餘魚半壑尋悠悠看楚水蘭芷到於今
江湖未通信俯仰獨吾生主意寬青史天心急太平避秦逃去
路報國惜孤行所媿尊鱸福偏私老步兵

自西庫過請室復逢除夕十章

涼雱此無數虎豹又重關世道垂殘膺君恩揔負山寒衣青史
滴短髮白雲刪何處上林鴈曾經大澤還
事亦古曾有人今何不堪蒲團翻鬼谷木匣坐僧龕遶夢家千
樹詮書易半函自憐土室債別出盧庵

後死知無怨偷生尙感恩天除碧血路雪浸老雲根放鴿開籠
少啼烏倚樹尊百年能幾日對此坐黃昏

灰湯存吾性水堅見物心藥因習苦淡痛爲絕交深餐寢驚人

脯庖林等鹿音何期更釁浴不作左徒吟

百鍊餘孤指千春黨隻身雀侵鍛翮鶴鬼噪失歸人牘背看無

字鉗頭樂有鄰半生匡道力莫此逗前因

不是顛躋路安知推納多捨身垂墜壑施藥動風波道碎空山

在天低病鳥過殘燈與破簞強半似巖阿

我法仍無恙春寒能幾迴青霜枯樹忍輕繳老猿猜木石肝腸

是鍼磁形影來此間何可託聞爆有餘哀

握粟日投卜更無詹尹知窮魚呼遠海暗鴈失清池腸盡年華

還鐙催星斗移關心誰最久雪臥土山時

讀易慙虛度艱貞惜暮年清明無促網孳子贖奇緣劫火煤床

下椒花落日邊漫嘗毒艸遍坐卻古人憐

多方支赤骨不暇問蒼生報主文章誤辭家毛羽輕人依魑魅

熟天悶風雷清從此銷殘夢南冠祝太平

西庫逢某省親四章

積雪排山處白雲迷路中悲啼今一遇此事古誰同
艸盡蘆苗短天寒鹿蹟窮難將臣子意迸瀉與西風

曲折難揮涕生成擦負恩不才竄喪我委命各傷魂
小艸荒喬木連烏開故園祇慚漁父問莫訟正平冤

清切乖時尚文明累至親飛潛俱不可頽仰且逡巡
世晚良心在天下高下聽頻誰能孰熱火了不慕因人

亦是聖賢路難開忠孝襟波濤緣底事厯落到於今
月下方諸淚雷寒寶劍心沉吟深夜裏毛髮鬼蕭森

北寺同某對簿四章

聲氣生奇好倉黃動鬼神鷹巢逢落鳳虎穴見啼麟
豈有十年

識浪生一日嘔史蘧參不到萬里辨親鄰

各了心中事奚關世上踪散財窟見夢行露爲誰容
一片蕤賓鐵數聲霜夜鐘相逢如雪裏隔岸禮孤松

魯國多男子清時况丈夫岱宗未破碎北斗自廉隅
道喪斯文在天下傾尺木扶尋常生死債吾黨莫驚呼

豈亦干象緯無煩問寸心去人天一握平地壁千尋
不取尊堯錄未燒鴻寶金此身非血肉相對共高深

辛巳元日十章

亦是此元日簪裾異昔年津涯甯問海尺土尙依天
桃梗寒無賴葭灰溼不然書雲誰記憶珥筆細旃前

夷跣難分路鷄鳴如晦心不才應禦魅思舊或投林
野誌禁園鹿山啼供奉禽何端隨法具別頌主恩深

龍蛇今接歲虎兕昔迷途雪破鐵山未春歸香艸無荔衣千種
好版竈半生孤不識誰漁父能箴楚大夫

世網非吾設危絲亦眾安不應愁太蚤况在老中看道命尊前
史儀形上鬼官嚮來隨燕雀歌舞未闌干

七尺還君父單辭質古人道非生世晚過在山山頻猿鶴新交
絕匏瓜舊繫親不知三逕裡可有客逡巡

繭室馮誰創膠車又此時除無大鳥致莫使青蠅知損命非刀
鑊衛生或棘茨逢人猶破涕勉誦宛鳩詩

老慙心不細病若道難療折骨吾生近筮魂天問遙壯波分溢
壑福羽動驚霄寄語冥飛者尙當避小招

遺直何須問同心各未謀一番奇事案幾道白雲秋碎首煩禽
息陳尸憶史鮒世間無後物精氣老螭頭

華磚廿載夢委佩幾春初炭獸吹新焰河神笑舊魚天翻齊物
論家頂化人書一榻能相寄奚殊楊子居

總不輕人處獸嘗滋味多散齋黃藥飲臥雪白茅簷帝子方艱
步征夫况枕戈餘生猶鐵石未敢恨風波

正月廿六日黃霧四塞日青無光三章

臣子何煩問風雷亦太勞日光良自在天聽未云高滄海收明
鏡青霜碎緜袍莫教千古下比屋誦離騷

天心喜用晦吾道那能開事出浮雲外人從昧谷來藥隨媧石
淡戈趁魯陽迴元黃看兩馬未戰已虺隤

從刻本
詩補

莫爲蒼生動豈因纍子悲湔除微雨過磨洗青雲垂若木思新
采藜光感舊時一車憑聖主儻有近臣知

西北數間爲二周諸公畢命之處四章

近事十餘載懲心二百年血光縈日暈精繡澹龍泉已盡排山
力重開砥柱天香風猶未沫過此數茫然

昭代多君子清流此再清豈關門戶事動使鬼神驚逆命扶中
葉同游璨九京傳看芝草蹟鐘鼎羽毛輕

撐持非隻手獨往恨無鄰後死耽千歲當時作七人畫圖閭巷
有香火夢魂親不識精靈路能通漳水濱

蘭纒焚已盡野火又揚灰古道存無怨人間自可哀青天鑄骨
肉烈祖鍊風雷抑鬱當年願棲遲今乃來

抱足扶首幸而起立倏然寫懷四章
啟免吾雖蚤艱虞古所稀尋常人不到意表爾相依逸興辜籃

輦家風蕩釣磯應知萬里意隴首得同歸
何期逢骨肉不約爾能勞天意尊原隰霜威貼羽毛疑人新役

卒似我舊功曹搖手行相慰春風灑布袍

好事從珠火真愚入橐籥莫爲忠信誤尙有鬼神憐夢裏耘池
草更闌減雪眠森然諸子在怪似講堂前

各有安排趣不關羅織來一瓠天上墜半鏡月中開老雀師黃
口寒香愛凍灰勉扶雙足健藥杵動徘徊

題素園五章

天地此奇曠纖塵乃費心文章餘結構風雨事登臨道共猿狙
喜谿當桃李深可無二仲輩埽軌與追尋

謂爾長茅屋今知尙有亭荔裳秋不剪書帶晚仍青貝院妨僧
探柴扉爲鶴局先生齋已散弟子合傳經

不信林泉好但存槐柳多清陰已若此拂拭况如何蘿壁粘詩
遍茶烟借藥過昇平能百歲抱膝未焚和

寫影長松下洗心密地初半宮十畝借萬籟一絃餘坐解先天
易歸焚舊日書牆頭送酒者莫亦久懸車
勇退無他慮聞風得所師聖瓢巢許路納夢羲農時臥簞分長
物淨瓶澹接羅焚香陳寤語不與及門知

重重生詩十二章 辛巳

壬申歲以二月九日被放出都辛巳又以是日恭乘木
鳳皆值誕辰仰邀不死因感舊作再為重生詩

毛骨擔明主風雷報至親十年雙血路萬里隻歸人古色琴書
在筮魂夢寢真從今除此籍天結老彭因
不敢談才命無能頌化工何期幽谷日頓作灑松風鼎耳神明
護刀頭寶氣通銜恩蘇百艸喜與眾人同
天意豈人識春還飛鳥知梨花鳩眼漏鐙影鵲心期泮水巢松

樂炎雲臥雪宜步檐看北斗浩蕩有誰私

可有赤松氣諒無青中心偶隨烟上下不與梗浮沉破骨金人
識掉頭梁父吟魚鉤驚絕處千尺未清

知我惟明發更誰知我生虹書天覆野螺鼓佛開城鳥識牛羊
路人賒鹿豕盟可憐諸罔極垂老辨兒聲

顛沛亦吾素安排知主恩鋤瓜存誤手扶杖覓啼痕賽醮鄉鄰
樂聞齋稚子喧遙知松栢老眉眼動柴門

耐事誰全爾勞人祇半吾熊丸千種下鉤夢一朝蘇洗足焦原
過填心溟海枯後生能老蚤莫讚解衣圍

醜不如王貢所踰李杜多道窮猶有命日永未焚和細節存金
櫃殊恩澹玉波應調餘瀝血為寫洗兵歌

叢脞皆臣子宵勤獨聖君剖肝難再獻斷舌去誰聞藥散通身

樹香銷四海雲不愁生死大無以答鷗羣

皋契前身是胥靡今日非桃蟲經數化野鶴尚全歸鳥說乾餘
骨人談丁令威幾巡江樹裏曾共白雲飛

自此無多事孤舟聽晚潮青松皆萬歲白馬共千霄雨過收菌
子花闌種藥苗殷勤辭北叟病久欲尊腰

荷篠教兒去扶鋤道韻長半山藜杖穩四月稻花香僮
契牛醫肘後方緘鐙看手足儻有未明光

林篴卿便道省家再附家信五章

書繡君行蚤到家花盡開親朋萬里至迎送入州來酒部陳荀
宅衙官卓魯才相知如有問但道且銜杯

樂土垂南服清風有使車牽帷人事好攬轡物情疎野閣星占
近天低日道舒曲江舊址外儻一訪遺書

似爾相知少看誰言念多古人敦語默世路慎風波敗酒消弓

影殘棋爛斧柯餘生何所憶七寶月明簑

蘧使申勤後江干耽閣時報難酬隻字心已結千絲家託孤魚

信人傳大鳥疑酒傭與卜肆一一謝吾師

達者能違患良朋未永嘆軺車猶可命幽操與誰彈野鳥明風

角金人惜露盤何當吳市外為爾話南冠

雲霓篇四章

翹首三農望臨春行雨時屏翳方作合蟬螻莫乘之天地愁弓

影龍蛇護羽旗油然能不滯灑酒上靈祠

天意垂慈久雲心殊未然欲傾珠玉汁獨結薜蘿烟渴飲連環

井倦呼撫掌泉雌雄今正妬簑笠且安眠

已識稻梁苦甯知豐葦驕風根生絳幘日脚墜青綃禹鳥初安

步仙人方度橋潛然憶舊事
雪未全消豈不愁雲漢其如霖
雨何青天思解熱炎鬼樂行
歌已渙傾盆汗空傳白躡波
誰當從汎汎放爾舊林阿

後雲霓篇四章

倚來猶未倦蚤莫已悠然月
灑蝦蟆水花喧蝴蝶天
僊情看滿望公道到私田
隴上相逢者同聲祝大年
祈年春孔夙果不負農家
苔氣侵浮磬蝸涎上釣槎
屯營開北塞火米足新畝
莫笑豚蹄狹騰歡已滿車
柱礎通嘉氣春風領麥秋
西疇人語好上苑鳥聲幽
舉酒辭白澤褰裳慰爽鳩
不知研滴水果否似靈湫
已得土龍意今知鳴鶴心
炎雲天不耐湛露斗同斟
從此無枯澤何須更雨金
萬方歌舞處非獨帝城陰

解紱四章

聞君新解紱破涕問祥麟
道命非今輩鬚眉亦古人
請纓穉子壯結綬小兒親
無數纍纍者徒慙蚤拂巾
且不殊動忍何曾廢嘯歌
花香開結佩松體上垂蘿
世作有爲法吾登無累科
請看竿纜處皺水竟如何
野葛旣無味芳蘭生祓除
三斯盟去汝五矢謝絲余
坐脫邊光劍閒鈔希有書
刀山能得寶不似乃來初
知已一人足似君千古稀
江神憐解佩青女誦無衣
交道澄明水精心破鐵圍
可從夜夢裡計得我應歸

洗心詩十二章

明河千尺水江樹此悠悠
月影沉無際青天停不流
魚龍黃石外鷗鷺白蘋頭
何處著邊棹芳蓮葉上舟

日暈透江明潮來萬頃平一峰衝雨出孤嶼信波橫帆過虹霓
淨雷收花木清葶衣無所罣中夜曉風生
輕烟掃石床絕壁曬羅裳不礙猿猱路時聞蘭芷香牛知巢父
傲虎笑佛圖狂持此向誰說山山明月光
塵垢辭虞夏波瀾長布衣花溪垂竹葉砧杵靖柴扉已信天無
夢但聞雪亦非開眸青浩蕩不共軟雲歸
江漢有何力穹蒼卻了然任從翻頂趾初不滓中邊射月平珠
串定波覆玉船應無燥溼氣得到影堂前
石磬收聲處金人不語時龍蛇閒聽法猿鳥靜聞詩擺脫書千
卷淋漓艸一枝此中全密藏頗與木魚知
木末芙蓉少臨秋風雨多鐘聲初過岸塏影已侵河瓶膽銷香
象蒲鬚卷碧螺亭亭着不動雲漢澹如何

可有磨礪意頻煩淬勵工鏡光千瓣外月廓半弦中鵬鳥焚新
賦鱷魚遶晚風古今查樸盡未敢與天通
與爾濯纓去爲誰鼓柁來搜將砥柱力淡卻渾河才物色還天
地根芽謝露雷可從明水裏炤見百花開
未忍隨溝壑何能辭痛酸已傾千馬鬣猶滯一毛癩海湧青龍
燭天扶赤玉盤祗餘徑寸路不與眾同看
如廁整冠去築牛义手還隨人題卷轉不自訴斑斕神鬼舉高
躡江河破密關何當漂碧血一爲灑空山
已識退藏法况看無悶書羲農容晚晤毛髮剝朝梳廟算古今
秘臣身日月疎尙留乾淨地可以報閒居

黃漳浦集卷四十二

詩

五言律詩

和楊機部三宿巖四章

紅雲仍簸蕩
小草暫芊眠
日落兩孤外
鳥栖三宿邊
回風存白鴈
跼水念朱鸞
何意腰間劍
分爲劍上弦

折篙啼不盡
櫺具笑相看
數斗鴟夷在
一泓雲夢寬
鳥知生處樂
馬識長途難
可隱漁陽路
冰城六月寒

栖遲成造次
負戴各幽求
風雨逢深夜
烟波抵滿舟
焚魚消客夢
飲馬寄邊愁
未必青天外
更無白鷺洲

荷雨翻魚陣
突烟散鹿羣
僧撻鏘底飯
松臥澗頭雲
初授野人塊
未成君子軍
許多詹父意
蘆葦細深聞

三宿巖別賦似楊機部四章

春水侵秋水越舟連楚舟
舛茲生客路蓬葆白人頭
信宿歲將半栖遲行不留
此身慚寄屑阿娜在山陬

問信各疑始筮魂又黯然
河應防日損蛇已受夔
憐佛火枯鐙下雷書破柱
前誰將此物色更作畫圖懸

不知江水闊但坐有無中
笙磬耽蕭寺魚龍澹帝宮
浮沈楊子宅拗折鄭公風
且莫惜分手鍾靈護迺翁

用爾良深意朋疑爲盍簪
已殞今歲馬仍記去年蠶
太子敦師傳鄰翁溷魯男
勿云風雨夕怒漲烏龍潭

又別楊機部十三章

精誠誰似爾乾竭一身存
裹草雖吾志還山亦主恩
半弦關石虎千仞墜崖猿
啟處能無恙譚經且在門

合體難分痛剖肝非舊時人
當天不泰家共友化離棟
壓青松恨巖傾朽石知請看
匣底劍快趁擔頭絲

悟道惟危石離羣或采真
不應慙不義無患到無身
風氣踈龍血鐙花結鬼燐
相將天等事莫斷藕絲春

心可知無怨途窮未倒行
晴陰隨小鳥毒痛共蒼生
故事經開眼後人別點睛
江河日月汁豈有不澄清

歛著慙高手移薪失熱腸
水蠅初割席石燕乍摧床
我得捨生法人貽入定方
弓刀動絲竹合證古靈光

忘魚良足貴喪狗欲依誰
有道平簪帶無家訴屢屢
僧撐鐺底飯客作劍頭炊
醴酒傳經日行藏共此時

癯遜無清嘯榮途託雅春
舊冠誰得度扁帶若爲容
感國看元菟游師恣青松
驚心非一事早晚又秋風

柳下昔何媿蘇門今始慙微颺猶偃木涓水動滔天鹿命推車
後蟾魂破鏡前合推煨竈火燒卻祖生鞭
烈日青霜後鳳笈一破看天留見面苦道共剖心難傷水夢山
遠餘魚知海寬感恩從此始報主事垂竿
相對復十日重逢能幾時出門兄弟在寄字鬼神疑好事夢蟲
識離音蘆鴈知青天看一尺汗漫與誰期
自惜無杯酒於今况溼衣游絲看過盡鳴鳥那能來桑柘江南
熟鉦笳薊北哀殘碁相勸止縮手謝燕臺
避世且須此全生豈有方除無魚腹信尙有瓦床光孤掌辭天
地離魂盼雨霜朋從真不可出處未能忘
似可將妻子况多慰友生已銷諸寶劍別作一長城小曲鐃歌
在分騷香氣平不愁宵旰甚爲爾念從征

隔岸二章

隔岸殊憐爾床頭風雨聲葉飄林已亂日落鳥孤鳴六患雷終
老分身且就平盈盈看尺水渺渺上愁城
分籠傷雀性衝浪折帆疑宛爾未通夢居然生不知殘鐙思屬
詠起火念晨炊何處蒲團裏敲冰銷夏時
提攜二百日展轉五更鐘破凍初蘇艸驚濤已到松文綠饒鬼
妬世法斷朋從料爾能無死重尋雲外蹤

感懷十章

臣子信多過明時何敢言入欄皆苦賈遺佩失芳蓀宛施月邊
藥螺收田上魂洗藏二十載不計舌猶存
貝葉千翻後蓼花五吐餘香柔看法器顛倒問臣虛道阮龍蛇
會天摧牛鹿車此間無染處白髮任晨梳

斯道無多損行年覺蚤衰浮雲閒抗墜小草合離披雀畏丁當
網魚慚藕酌絲殷勤呼鬼斧莫負數行碑
不信清涼火能消暖噤雲平明猜鳥語中夜念鷄羣判作千秋
夢除垂後死文菰蘆深絕處將鴈送夫君
愛竹豈爲癖移山良已勞三分描畫本百仞託秋毫木末占星
少壚旁躡屐高不應勤酒史更爲寫離騷
少此亦自適聊茲未苦難諒收十斛麥多出數成欄風急依花
假沙平報鷺安丁甯叢桂好莫與眾持攀
棚榭饒千里蒹葭渺一方非無人屈折不共眾低昂卷石尊天
下檀車託水旁蘭芽新茁處雜草亂芬芳
高臥古誰足遜荒今始迂何關長孺宅已化葉公鳥欲辨天倪
寂曾探月窟無客來炊脫粟此意喻樵蘇

世事烏啼處道心花氣中機因入俗淺趣亦與人同抱甕年猶
健窺園日未窮麴車依釣井一一任西風
知我真難報思君誰與儔隻言人破膽幾事鬼搖頭尙有石堪
語况多酒莫愁歸與偕野叟擊壤伴浮鷗

偶爾八章

聞人譚石竺不覺憶家山香草朝餐飯松明夜往還碑碑看瘞
鶴麥隴試開鵬抱膝深深坐柴扉舊日關
蹉然辭絕跡無意念同羣暑退蠅將盡露寒鶴未聞一丘天寶
惜半榻鬼慙懃總此蕭條趣無言得所君
不有捨生願安知衛足方劈空石竺貴漏地薜蘿光蛇聽人呼
酒狐鳴客遠床世間多逸事何獨此難忘
老藉詩書力閒開昏散心一絲存道累自戰未功深火色除炊

玉繁思盡破琴可憐梁父操已作白頭吟

欲卸數層塔未成雙板橋野荒人過少天闊鴈來遙苔雨侵明月蘿松惱赤霄不知何處水能接海門潮

愛爾佳公子北堂有老親何關九鼎諾輕抵十城身耿育稱奇士劉陶亦可人應知大海水曾淬此清蘋

逸隼殊無黨孤桐亦有鄰命根扶紫闕毛孔漏青神世不乏男子今誰恨古人素書看已遍莫步圯橋塵

點綴盛時事如開雪窖花寶光初出匣玉笋未摧芽直道存先輩英風表世家看君誰可似僕子命將耶

趙芥須再遷海上因附家信二章

極目隨征鴈傷心對暮鴉南冠看造次故里又參差塞下騰秋馬家園委花因君能去蚤緘淚寄天涯

烏鼠白雲穴魚蝦滄海期馮誰先作主枉我新相知世亂輕烟瘴命通飽荔枝萬山十里路莫憶少年詩

送林紫濤御史還山二章

案一作林侍郎從大滌函書改正

不才孰造物底事伏穹蒼已恨人萬里况多水一方親朋看塞

馬風雨念云羊薊北荆南外寒燈明月光

咫尺關河迴黯然何所懷支天猶有命動地不須才鴈過潯陽盡鷄鳴潮水來空山樓殿齒應斷舊莓苔

孫伯觀十詩見贈依韻爲答

缺二章

皋夔當世滿自覺有共滔短劍不宜佩良弓蚤欲發白波千頃沸蒼聽九霄高非此承嘉命何由識楚騷

仁者知無怨生還已負恩解衣身自賤投杼母難原龍袞青蒲在螭頭石檻存莫馮書史語容易向人論

薑桂雖云脆風霆未厭頻
弓刀慚騎士蘭芷謝波臣
世尚唐虞舊人無巢許
倫不知斷臂者可以墜床身
不接狂泉飲空多枉木心氣衰
千草變風緊百蟲瘖驕馬橫天
塹悲笳叫月陰餘膚何所惜
碧血灑元襟何處辭吾黨無生
亦道林野葵尊下體碧藕剖香
心破瓦因風落漏舟與象沉誰
當一手足爲埽諸陵陰
舟楫盡天下何云一葉無青霜
消下築白髮老屠沽鬼哭數行
字天讐三獨夫清時功德好掉
首語申徒疎林摧倦翮泥雨澀
歸雲道趁龍蛇屈人隨虎兕羣
開山揮謝客訪木滯終軍風鶴
中原事能無嶺外聞
雌白隨時論吾鳥可自評何如
青史爛浪與首陽晶放子天無
極明王日始升膠膠風雨裏莫
亦有鷄鳴

又寄諸友兼謝惠書四章

六月江門冷峨眉雪未消
青黏疏鳥路黃獨上狙腰
帝子甯相憶溪蠻恐見招
空憐李太白曾送王龍標
豈必長懷土能無累聖明
江神通筆札烟叟爛楸枰
故事迂金匱新書驚石鐺
未將弓馬意盡改舊書生
緯蕭無宿業擘葦未安巢
自作卑飛鴈眞成苦葉匏
行藏青草棹姓字白鷗梢
卻憶江船好秋堅初上膠
避風餘白日大塊此容舳
卽縱魚歸壑何殊隼就條
十行停肉價八寶滯鷄毛
已祭新碑過隨山送桔槔

吳司業若谷葉詹二御史
數攜觴過集四章
端居此靜炤諒不爽秋毫
委運眞吾學匡時聽世曹
良朋存好事衰鳳失奇毛
寄寄江亭外乾坤信小舳

文酒通人福筆瓢達者心雙趺千徑艸七尺一弦琴語絕道情
定愁來神力禁何方縻白髮林下爾追尋
意中明日月身外穩波瀾小榻久無下孤舟今已寬人從見慣
淡交爲少來歡佞鶯與噪鵲總不悟綸竿
坐來不覺欠母乃自生疑強勸新州飯輕裝元祐碑誰能看夢
定初未寫兒癡猶記明窗下澹齋獨對時

吳江舟中酬徐節之三章

客意將吞夢蘭心爲弔湘乾坤宏老眼江水細羊腸鴈宿菰蒲
穩船過煙市茫不知天外信野竹共平康
似可山中住復爲江上行及瓜仍自樂採藥更身輕好友還家
近孤帆落炤清但期漁火裡勿使浪烟生
物情如未免誓墓久興嗟瓢響關風肉研池隔海涯家僮看赤

壁穉子念黃華不意桑榆好全收雲物奢

吳園再值黃波臣用原韻二章

重逢烟雨裡惜別鷺峰前半刺通高屐一節到野船恨無終日
話諒爾濟時賢欲勸名師徑榆門鎖綠錢
無交吾亦病遠道此行吟落日見人蹟流泉知客心青雲今白
面孤竹古荒材且勿談相識風雷尙破琴

義兆長民去非送至京口拈韻識別八章

江松何寂厯客意坐蕭疎毋乃得秋氣還宜看道書八公遲破
賊九子謝迴車北固西亭下共誰釣好魚
諸公勞送我千里未還舟過此成天問於今眞遠遊鱸愁湘水
瘦鴈畏衡雲留不悞家人意相問石壁頭
復出昭關下甯無女子知風濤今自在岸谷古如斯潮退魚龍

寤帆孤商旅疑最憐清暑夜鄰舍饋荔枝

來往緣何事徘徊信此心不因諸子在莫爲鬼神侵南岸人烟好東方布力任中流奔湧處未可試移琴

途窮仍自適不與古人同理易投深港題詩罨短蓬山川江漢裡名物菰蘆中何處無漁父蕭然勝乃翁

此別亦尋常涉江泛小塘遙聞柚橘氣似蕙蘭香著論慙明耳離山憶亢倉去年翹首處平野正元黃

盈盈江上棹汎汎水中鳧天信南州過人愁北斗孤曾運賒到海少伯試經湖從此遂流落其能相憶無

欲買長沙宅能知大滌多已辭懸霤去又柰西陽何石白乾坤在丹砂蛇虎呵餘生知不死明月寄青莎

同義兆長民去非儼青山船遂至大滌六章

難忘元蓋洞便買青山船契闊過平日開荒遂十年殘碑猶寄徑客作久無烟風物今如此杖頭那得錢

耘松猶不暇譚虎尙驚心天子憐戎索家人惜艾簪刀頭千里夢稱鼻九江陰何處存茅屋鷄鳴桑柘深

莫說無魚水尙容賦蔽薇棕團僧飯罷聞道烏身歸臥送瀟湘兩行栽田葉衣世間誰不古冠劍坐重圍

行藏俱不可杖履且當家虎兕去人近夷齊從此遐三還黃竹路兩道白雲斜莫以西溪水更侵澤畔沙

啼子隨黃葉危崩頌石鐺草真成獨活竹未解寒盟土木留形在烟波繫籍經不知諸洞壑何似我鍾情

似當依土著可遂註貧寒楚服吳門衣青谿黯淡灘天如嫌足健客不理人殘孫子自藤伴倚雲萬木端

夏五大滌山中觀雨用泉聲冷罇俎荷氣香僮僕爲韻十

章

石門初點乳木杪遂飛泉醒竹如將醉倦雲殊未眠麈啼淙澗
外鳩語落花邊不信二茗水難通九銷烟

此間唯竹葉不復辨松聲人下琅玕榻天圍翡翠城茶鐺新火
改研閣軟雲平談詠無多事西鄰鐘磬聲

微陰石骨冷小坐嶺烟青掩藹侵花逕差池註洞經羽流新記
竈樵子古光庭莫說生安道未成處士星

銳上幾峰箭平頭數酒罇不因山試履似爲竹開園客報依啼
鳥人師愧定猿但談湘水遠莫復語招魂

古廟存遺祖層巒剩畫圖已看羣翠合不見一亭孤採石逢龍
蛻防山帶虎符春糧三月滿聊爲客躊躇

曲笠難忘影涼衣復及荷野田爭畔少兒筭入雲多畫梁餘棲
葉樓亭半籍簑所資無一物風雨但經過

頗有烟霞氣誰當雲水師徘徊思昔者潦草及花時文留皮
袴洪川失接羅更無青蠅蜿可赴遠坡期

不藉菖蒲酒已聞石竺香山當天下遜人寄水中央炤壑停犀
火徵詩逼樵漿應知生貴適詠舞未疎狂

故事忘香案新書約小僮雲心除曲折泉眼無玲瓏擎肉載山
簞開襟縱鳥籠因思歸眺望莫在兩高峰

寄榻愁他日移文恕此堂道紆難賣屨家遠恨齋糧林慮形容
在蘇門語話嘗誰能更僕僕倒著舊衣裳

午日大滌山同義兆去非穎凡偶拈李嶠賦丘壑信多美

烟霞得所欽十韻

放蕩將徂暑樓遲寄一丘觀生無所往知我謂何求夢得還魂
草家尋不繫舟古人耽採藥各自理幽憂
藏書須名山藏舟須深壑當其無所藏龍蛇盡大陸江神愛異
寶山精護琛璞問爾諸精靈何不守碌碌
蹈火爲專愚涉水藉忠信水火既爭騰精專不可命鑄鼎萬神
號鑄劍百鬼競不如焚芙蓉埋光掩明鏡
獨往豈爲貴偕來人未多不如白石爛亦奈蒼生何苦節空山
作離魂遠海波年時稀所遇筆楮共摩娑
逋峭付眾歡欽樸信吾美遺構知何王湛泉接誰耳橘性不可
移雲眸老相似莫以琅玕波換彼明聖水
谿流未銷海階草已藏烟古蹟消雲磬新租謝竹田朋來愁負
米社過欲耘蓮不憶南朝彥曾操花石權

世事歸荒逕流光與落霞桃源生客路漁父老親家敝屣翔天
竺道舟棹若耶莫愁大寂寞此亦古時

但保猿鶴歡不畏蛟龍得蛟龍不利賓猿鶴未狎客石田付誰
耕水蠶付誰織耕織自吾常天孫安可測

芳蘭日夜開屈平在何所初來有沅湘芳蘭亦楚楚帝子不改
都美人空懷土湘水與胥濤脉脉夜相語

烟雲生不管木石古人欽任道難逃死入山安敢深千春除信
宿白岸共浮沉鶩鹿無爭處亭亭問此心

同諸友至棲真二章

大滌山中諸友至共以謂淡也何義兆攜章維遠施營
方陳穎凡胡公占至棲真乃相與呼絕朱士美曹木上
偕予少憩講堂作此示之

不信此山好但從三洞來居然通宛委莫已失州萊短鐻功臣
枉誅茅道士回半生耽布襪頗有老農才

雙門與品室小可且披尋不厭丹泉淡漸知真窟深鳥啼天竺
落虎過石苔沈笑指徑山徑相連松日陰

再訪歸雲洞用錢去非韻二章

萬竹雲中夢孤籐山外緣已開逸鳥路不作定魚禪餘險杖頭
厯幽踪樵子傳還疑四壁裡靜操自相宣

不騁高峰屐安知天意寬未忘初寄徑惜別舊層巒選勝孤行
易論心競聚難丁甯諸老宿今古共松寒

題費韞生卷五章

費韞生攜卷至烟雨湖中擬作十詩值客履錯然僅完
其半殊潦草足笑也

無憐成慧子不達賸孤臣到處爲飛遞離家近探真未能捐酒
奕安得全精神烟雨輕帆外清天惜此鄰

不改看方藥似慙未攝生一身穿火宅萬里託冰城親友知踪
跡家僮別姓名乾坤戎馬裏聊以避刀兵

有約皆無意隨風共渙羣孤舟明不繫落葉自輕分鷗兔安時
論魚蝦靜聽聞何方沮與溺肩背共鋤雲

高適未安穩鄭虔但老酸山烟荒鳥路溪水傲漁竿作客依青
簪逢人謝素餐家園看不老六月倍生寒

似此難安置居然失主家游魚牽點絮溜水滯飛花錯路迷歸
鴈爲期枉及瓜况聞句漏北未必有丹砂

題吳來之解綬圖一章

此綬猶未結彈冠當爲誰鬚眉明水鏡烟雨動林枝世路一丘

貴天風百鳥知親朋且勿語舉酒及花期

何曾資劍履殊不累形神有此一番意將毋與道親高賢輕小
艸明主念遺臣茶碗名香外翛然自在身

何義兆姚二存曹木上陳彥升倪子玉葉恆生姚聖之同

陳臥子集倪鴻寶園中各拈二韻

人帖有此二章

宵中雲漢淨日下酒鎗寬杖履無苛問悲啼得舊歡時清臺榭
好道長琴書安不謂剡溪棹輕彈達者冠

魚鴈情文老羣賢林竹親石欄關禹步池藻動麤賓非爾誰容
我無家幸有鄰若耶雲水外不敢望車塵

邵先之劉漁仲何義兆姚二存曹木上毛儀伯艤舟上富

春江各拈兩韻四章

案四章亦見人帖

初衣懷薛荔沉痼動烟霞車耳重生事杖頭舊作家客星黏白

髮青女散葦葭何處巢輕穩倚筇顛落花

長年閱物淡遠道歎薪勞報主憑良友看山付小舸燈前傀儡

影夢底鑷鏤濤莫令遵鴻渚重淹衰鳳毛

令人帖作以

往還良太驟悲喜動千秋斯道先民寤紆途君子求出幽猿把
臂應物鬼搖頭浩浩長江去君恩此暫留

讀書今不給策足促蹙然欲改幽棲錄為題明哲編才陳夜虎
創志拙老龍憐假助人天事憂勞得幾年

送汪明府之福唐五章

膏雨遺南國星文轉上游天高鳧鳥迴秋急鷄書投驥在窟論
價蛇靈自報侯懸知千里月一一照吳鉤

攀轅難悟主借寇但逢人兩邑勞分理二天結比鄰春謠思雉
乳秋詠憶鴻遵宛轉車輪意何時慰後塵

露下鶴初警宦情馬欲齋位官纔五月列宿頰書階出劍連城
紫移花過縣佳處琴憐白雪安得不縈懷

海氣三秋冷蚌胎八月清潛光猶自照幽意與誰明隔浦芭蘭
遠離途風雨生願言從四子講德坐吹笙

泣足勞封楚登壇記小邾賈生年不少孫客賦方殊翰借三千
翼乘留十二珠明年如此會倘爲起長途

送客二章

世久湛榮利誰云重素脩三湘能採佩五月自披裘垂橐秋江
冷傳經春氣收我聞高士傳君果古人儔

鶴髮鬢無意真金自有神坐看玉笋出歸映日華頻雀化黃衣
舊魚懸紫袋新即今論貽厥猶此一方人

同彥升卧子諸兄集倪園爲鴻寶勸駕一章

開軒延眾妙斯道見長城出處關文象端居動聖明通潮畫舫
集入座萬山清何必辭樞副商霖望洗兵

禁中知頗牧四海想夷吾絲竹當年可綸麾此日殊幽人容水
鑑下客引龍圖莫以師中錫而煩兒大夫

用木上韻集倪先生宅兼壽倪母二章

案二章亦見人帖

排闥山未老生明月始輝探書丹穴迴磔石鎮神威尊足下堂
健加餐入道微日中十里釣可亦慰調飢

萬里銀河望乾坤一水盈去會愁季役歸未失鷗盟伯仲人閒
奏鹽梅天上羹麩途看李杜不記兩家名

愁季鄭本誤作漆黍

用羲兆韻集倪先生宅共諸子酬和二章

余生眞夢外對榻亦非夷馴擾傷龍性追來保鳳儀眾流看海
匯別島見琴移不負穹蒼力羣峰檻外知

鄭本亦作果馴擾作繞指匯作外非從人

帖改人帖追
來作來追誤

油雲能不約萬壑此來盈有命歸歟歎浮生攬者情扁舟成往
蹟岐鳥或孤鳴顛倒衣裳在慙懃勸北征浮人帖
作後

富春江用木上韻一章

奔河已縱決江水尚漪漣歛德驚檀木危心憶講筵人猶能好
我世不少勞賢惆悵城門下焦眉賦倒懸此首見
人帖

華胥成影國伊呂許誰看祭獺餘觴豆歸鴻讖石磐農家明舊

元天子註原官以此添白髮多慙老釣磻

再用羲兆韻一章

復姓還梅宅寒衣蹈呂梁三冬駒隙迅殘夢馬頭長道託龍蛇
徑家依蟋蟀堂可憐分手處每每在初陽此首見人帖蹈作過
迅作度依作懷

餘生應辟穀乞老合茹芝過此幾能晤問心誰信斯買山種竹

後上殿說經時可復重相憶畫圖共絳帷

用先之韻一章

老去文章淡交深禮數寬幾回投玉笈未忍謝青巒出以聞經
在衝濤到岸看何當談昔昔苦縣與甘盤

魚鳥同天下鉤弦共此邦清時豈乏管水鑑亦依龐詩禮兒曹
業風雷鐵遂腔所疑今者釣不似古桐江

再用姚二存韻二存將應臨軒四章

行藏不豫設委佩此從容阿閣鳳巢探虞廷雲物宗精心開美
度稽古近高蹤主聖無難仕清晨仙露濃

元心思正直神聽尚和平借劍粗人事颺薰達者情不隨時火
熱恰與泰來亨先輩靜觀意知君渺眾英

時逢不肯適鎖物自王風斗柄趨新運儒冠想國工心從吾黨

定道與古人同獨對看三月黃雲麗日中
與爾相從久程才躡屐安土山遲造次竹澗到盤桓新作龍轡
賦自開牛耳壇尋常看破敵不但祝高官

壬午八月荷父入楚病臥西林適逢環命以清脩力學見
褒感念古今淮陽長沙無此奇邁猥從溝壑仰被榮光攬
筆潛然聊悉寤言二十有八章

白日開幽戶霜禽鼓翼時鳳巢如可探天意有誰知腐草關風
動驚弦得羽儀千春垂勝事不數中山詩
膚髮繇天地冠裳感路人何期舊井渫并作上池春寶楨傳雷
斧餘魚拜綵綸王明今受福萬象此清新
爲子慙初學求臣老未能操筆慈母意唱棒佛前鐙曲折心逾
苦徊翔道不膺所憑天廣大荒遠信無朋

廉能聞古獲獎尙息宏圖以此勵天下何曾矜一夫風雲還大
麓犧馬試長途千古臣隣在孤臣真不孤

依然老歲月頓有少年光寵辱一身在憂虞萬慮長寇深無散
處 狡失和方向敢重尸素爲鳧唼稻梁

君王愛鴻鵠野鳥畏樊羅縱有尙方禁其如庖宰何千金埋馬
骨一羽謝鷄犧耕鑿餘生在應知帝力多

結報已忘死啣恩豈在官人疑天夢定家作帝魂看堂阜新經
沐胥靡別築壇所慙非一事遭遇古今難

屠肆居然在執珪安敢聞莫從蛆謝表復使鬼移文聖世無龍
比清時賤眾雲於今知頂踵真獨繫吾君

爲誰呼掌夢復欲用巫陽直道生未變酬恩死不妨烹阿明主
智借劍小臣狂從此依雲日清晨罷履霜

盡有匹夫意能通真宰心迴瀾猶到岸平晝未全陰筆橐知餐
飯星辰照影衾勿言九萬里高聽細分金
學行誰堪許廉隅心所貞道從知恥立天爲好官傾夷惠閒無
位龍夔忝有生尋常退食外持此報昇平
骸骨還愚賤清華讓世賢灌園逃楚外枉渚避堯天宮畫新開
面秦匱替在懸白頭看美醜盡付有生前
乍從湯鑊裡湧出寶幢來世事少經見物情老尙猜風霆頻洗
垢劫火淨除灰一簣容更始恨無版築才
往事如遺鏃於今始憶家春徒翔燕雀遯尾累魚蝦插竹慚抽
笋枯楊醜見華天恩能浩蕩垂釣保生涯
此中尊學問帝德信精微見爾實難副誰云知者希止啼鐘鼎
葉元感山龍衣不意牛車下能聞韶樂歸

望外生通泰情中愧表章可從鮑子得未信帝臣良滅頂濟川
遇墜弦聞樂傷古人誰妬我衡浦與淮陽

荷戈亦報主簪筆更懷人不藉風雷力安知堯舜親詩書愁老
眼物色傲孤臣憶昔曲旃下乖疎禮數頻

臣今知所事未忍變前脩百折水東去層崖雪始流威鱗看不
怒明月許幽投汎汎偷時論卷阿慰栢舟

庸福難爲受孤危易與安自非憂棟折不屑取蕉彈踐草傷麟
性拚身就虎冠羸翹無乃爾引咎已滂瀾

生才天意澹搏物帝心勞投魄成雌劍斷犀試佩刀仁人穿水
火忠信出波濤此道今親見雲蓬一羽毛

劉薦豈辭苦誅松喜未殊共驩今定論鹿馬古成圖鏡杖支天
步冰稜炤斗隅可憐衰老極結伴賜鷗鳧

園葵生益智狐兔亦人師此諛雖逃雨圖功已後時曳泥揮寶
積放艸謝金羈秉燭夜行久尙愁鐘漏知
於心何未盡此味已重酣量力完雙臙度形製小龕川方沉玉
馬家不餌金蠶涕淚看天下仍當避虎眈
時艱思道術國卹豈儒書講德忘都養談兵讓左車憂天眞不
慧叱石恐當鋤卷轉臣何敢生平愧史魚
雲松天錫類林草古安輪與法旣無礙爲生今始眞海隅租稅
淡山院虎蛇馴百拜還南斗暮年媚遠春
臨崖身易捨卻步氣難恬不以黃虞代輕爲涓沓淹榮枯均罔
極龜策爲誰詹一壑當年事於今未敢兼
四字夷夔業十分舜禹功筮魂天月骨剖血玉磨礪日出虹霓
靖星回河漢通應知覆炤下不在頑貪中

湛露瀉寒泉餘生足百年人依鞞鐸下道在錯薪前耳目還臺
省明聰託講筵涓塵無以報魏煥訟重元

予旣膺環召時解葉諸公尙在戍所因席藁請命慨然有
懷八章

鷓鴣猶用命文網况開圍斯道無唇齒千秋有是非人疑吳市
卒天護首陽薇何敢獨君子偷生且息機
天外歸雲渺井中委侶多匹夫誰恥衲同輩我投羅解凍連舟
下傷弦一鳥過聖明無漏澤向若乞恩波
疾患慙同井分衣愧遠途參商憑日出枯槁盼雲蘓豪傑西州
盡朋從鄒魯殊隻身能報塞四顧尙躊躇
孽子緣身累鳩媒復嫁誰水清魚可數霜早木難支无妄多得
藥晨風共廢詩左儒非俊物未免有情癡

柳播尋常事新恩殊可原
龜桑刊禍本蚪蚪淨名根
有錫疑擎帶含愁坐市門
真慙翟黑子千古讓高孫
高柴信未學仲子惡能廉
一道分磁石三分墜曲鉞
精心看沒羽定力破飛箝
汲賈逢明主應無歲月淹
斲隨漁父棹免作治家傭
水落明帆路鷄鳴知晚鐘
王鈇清袞鉞鬼箭斷矛鏃
傾否看來日耘鋤報老農
揚側何須慮除兇古所難
黨人能破賊屠狗也彈冠
往事衝泥絮新流過棹灘
三朋同出處展轉一時看

陳公遜大令至山中勸駕有謝六章

彼姝無以告明府何爲來
水石疑巢鳥柴桑長破苔
家人張舊牒鄰叟進新醅
夜夢上園裏山花亦遶臺
斯世須賢宰空山贖老翁
經年書劄裏千里琴聲中
古處看大

雅淵心奏國風戴星如不暇
何以過江東不悉君爲政
但看盜賊清桑枝遵化雨
衣帶足干城出棟山雲細
投籤江水平莫云今卓魯
未易享醇名媿昔不爲令
殊慚庭草青一官銷筆橐
廿載負生靈秋意有蟬悟
靜音與鶴聽翻當爲子弟
更註理民經戚戚行何往
依稀保此丘餘生明主賜
善病赤松求蚪米支經
月容身濟小舟不知天下
事果否屬幽憂趨時今已
晚用世許誰曾道豈一人
駕生無長夜鐙耨鋤新急
事燕雀老高朋白髮懷明
鏡蹙然慙短藤

寄答姚二存二章

涉世吾愁老憂時君太深
升沉看道命動止繫天心
花片牽珠箔檀烟過桂林
無多香豔意不向雪中尋

白日初開鏡高山莫惹雲澹靈酬我輩勞苦事明君有道龍蛇
螫忘機鷓鴣羣看人精彩處閒取墨花焚

答浦城令劉仁甫兼壽乃親五章

戡定存高識廉能屬細心寇因終撫誤官爲好名侵有道生方
略相知寄德音何時停柘浦解棹與微吟

飢■寬嶺表花雨足山城保此文無害居然古太平鷹鳩吹籟
好牛犢飲泉清男子多權變傳■慰所生

眞解讀書者殊多致治方投戈看駭散借箸得商量家載神明
譜人焚智慧香高堂多樂事官鮓寄何妨

波濤平岸谷風雨失綢繆假有百年宰眞■明主憂餘鴻安沛
澤小老合滄洲狐兔看人面慙慙告首丘

枹鼓今無事薰風散早衙絃歌新世講名教舊通家雷煥腰間

劍江郎筆上花板輿鷄犬路眞不遠仙霞

陸魯瞻書至有答五章

國賦餘南服人才屬繭絲循良今柄用置澹往奚疑攬轡看湖
水焚香炤古祠依然環竹馬略改舊旌旗

父老能相信廟廊眞愛才一官頻請命萬井競銜杯猛獸渡河
去慈風滅火來每聞君政績宛與古人陪

救世需文學匡時剩素心人今師畏壘天不絕甘霖藥海平無
際珠瀾清且深應知講德論化作百絃琴

冰蘖分餘瀝能無創所懷神明驚血譜僕馬事心齋直道看猶
在彌謨爾自諧不須緘文字更寄與乖崖

四海今方沸孤城卻晏然勝師當騎萬炤乘比珠千龔遂生非
老君公正少年新碑題欲滿吾喜得高賢

葉霞浦以卓異召補給假省墓寄懷兼示諸友四章

鷄鳴恆憶女風雨寄綢繆此道窮方見投桃報已酬匡時紆諫
草緩轡得長籌為我遲年月何期慰主憂

世路滌洞處君恩耐嚼時高才應典劇有道拾便宜日出塵霾
散夜闌龜鶴知何嘗停側席莫寫北山詩

疇昔相從者更誰詮瑣來海因河水淡道使貴人猜斗柄移寒
暑風根變竹梅賴君心眼闊少憩天門開

逢時不造次安步得從容以汝源流意置人明月中蒼生應有
命高爵自為雄平治須來日沉吟嘆老翁

壽張鵬海太夫人四章

梓里山川秀通家雲樹齊傳杯護徑裡扶杖葯房西刀夢看祥
佩花徽簡舊題應留循吏譜奕世與金泥

介福尊王母高門展鹿車受經依縹筆卻鮮護銀魚烽火龍眠
後耘鋤渤海初居然無一事可以惱攀輿

躑躅斑衣近尋朱紱來全城呼子姓五馬傍樓臺菊浸丹砂
穴珠還明月胎肯從紫陌裡呵殿看鐙迴

團欒真想外歡繞信非夷九鼎未為貴他人安得知桃花黃地
綬若木絳鐙枝應使青衫者同歌魯頌詩

劉漁仲使至攜家有寄十二章

憶爾無家久翻愁家累多移家頻不住家計復如何戎馬滄洲
夢漏舡白地波寄書能幾到未有定關河

不得補官去為誰嫁娶來柴扉賒故里荔薜費新栽世道團風
葉鄉心濕雨灰因無分宅法空寄隴頭梅

鷄黍能相戀間關安敢同除將小草力消卻半帆風親寡慙吾

老豐多負乃公新鋤牛畝外難與共秋菘

荒頓未襄事難將託友朋青山看客面白恰墜鷄盟有道辭彈
結無田廢耦耕木奴三五本莫怪太營生

負戴今奚往干戈天下繁流萍看土偶芳草念王孫入世成嘉
遜將雛訪鹿門無多通隱意半與嚴平論

江南猶可住曲磻也穿潮洗艇安茶竈晞衣過竹橋烏程山客
酒明月美人簫不憶維桑外荒田百草驕

樸較看人世鬢鬢老盛年天容閒客過道息火雲煎庖子烹枯
石家僮撐鐵舡可憐湖海氣各已入芋眠

疇昔經心語於今已七分春秋吳越氣熙晦斗牛文抱膝客孤
臥離家各破羣華陽深處處芝朮老堪耘

水鑑倦高論標題久已稀埃塵收馬骨狐兔坐人衣厭亂妻兒

切脩貧朋友非何堪談鼎足沙磧溷魚磯

作客耽江表全身愛首丘所思非一轍此道遠難謀填海疑通
路移山未度舟秦淮佳麗處不耐老登樓

俗耳多榮尙吾徒祗樸心雲邊鷄犬路天外鶴猿吟不假鄭莊
驛能辭季子金畫圖看卷裏龐葛共蕭森

如此將歸好江千吾有家一船供寶眷半榻上烟霞遣女迎新
婦呼兒接舅爺山中分鳥掌白鹿爲推車

答王自位四章

年少高才者君眞壓古人勝衣纔幾日著論等於身已破七朝
格能輝千里鄰趨庭安得此使我嘆陳荀

歐韓良不易曾李亦殊難世自有鍼芥君如得羽翰韶華生快
事才藝老仍刊悔卻鬪鷄日逢場戲舞干

愛爾賢公子如同幽谷香頻年山裏住久與世相忘剖橘分壺
隱寒花釀蜜房卽無稱孔李敢不倒衣裳
開槭尋妙作往往得幽鮮砭世如深宦程才似宿年江山應有
助坐臥已通元勿復談名問高人不受憐

答查于皇用于皇韻四章

魚龍衝鐵岸風雨各酸辛縱作今遺直何如古逸民詩書生已
誤耕鑿老來眞冠蓋盈天下空嗟我獨臣
天夢如將覺泉石未到狂不揮窮鳥涕聊與螿蟲藏獵火來何
定麟心老自祥乾坤無畔岸爲爾共望洋
幽居無所恃所恃但蒼天野鶴猶逢箭高人空受憐黃虞生世
遠漢魏老家前知已能相慰宵啼足百年
陸沉能幾日雄貴有誰存不惜市朝恥平銷烏兔冤匡時人最

賤仇國古難論跂足涼窗下空知北斗尊

又答四章

溫人徒集木話舊已含辛放逐思明主顛連感細民支天看不
驗移孝語難眞以此聞高論愀然媿子臣
老夢皆云聖孤生合自狂賒將一字死遲卻廿年藏喪馬看多
福墜肱准吉祥頽鱗投海外何處不悠洋
難免適今世無逃亦此天招魂當鳥度賣骨與人憐玉破三炊
後車懸九折前勿言莘管事澳忍各當年
捷報家家喜空城處處存滄流行見底孤鳥不鳴冤權術乖時
尙沉冥具眾論何妨從老子蕭散自當尊

從邸報知鴻寶發言遂成元感旣數日得鴻寶書備閱諸

疏清時喜起良暢於懷已有長言再伸短什四章

融雪固神力排雲亦日暉有言先眾妙不鬪自當機天意託麟
語物華仰鳳威應憐元啟世諫草出精微

犀光然水府明火照齋壇不以陰陽隔而為日月寬春深鳩眼

嫵潮長蝟毛寒一代鏤銀管千秋屬史官管一作簡
春一作草

敏手既難遇天衣豈易縫縫帖
作逢道人輕粉藻藻帖
作米真主重王重
帖作

著炁山龍一語發明夢千方聞曉鐘窮崖春未到怒草已從容怒

妙作

簪筆此此帖
作是云足足帖
作可腰鎌安用哉啼鴟爾不去鳴鳥誰能來

量過過帖
作淺一丘滿滿帖
作足工疎百草猜清時付良友引鏡欲還孩

寄趙景毅御史二章

天寶容穿過人才惟退尊干將終一缺匏苦未須論大老腰舟

在枯禪瓢笠存惘然如隔世蝶葉話風翻

非我樂高遜居然媿古思舌存仍不佞眩折與誰醫擇木無弓
匠呼禽失獵師相將萬里外破雪寄秋緜

賦得孤雲獨往還贈徐霞客

何處不仙嶠長遊已大還猿魚新換徑虎豹久迷關天縱幾人

逸生扶半世閒楞伽言語外別寄與誰刪

賦得萬籟此俱寂五章

薄寒如不惡見睨豈須消蟬殼黏高樹鷗羣散晚潮焚車當客
過隔竹看人遙假我無他願白頭送子喬

來禽何可侶化石坐羣猿細草今無籍迴風久不言畫閣餘版
築蹄角斷輪轅後死誰相媚慚題古鹿門

半畝雖安臥投身百丈馮瓦蟲穿石砌巢鳥下雲層高士頻遺
屨庸醫但折肱小樓三五尺猥與坐陳登

早覺文章賤今知禮樂陳
枕椰生麪細椰子入杯醇
越壑取泉苦留冬割蜜
新松青龍戰後少不得春
春有識人皆寂微風葉屢
翻斷編驚蠹老瘞筆定鴛
喧野菊蘇花樣新池繡水
痕蟲箋與藥譜過手未教
存

屬五作成差可哦咏適胡
子庸至復命賦之其起語云
厯落無邊際風塵何處消
天高宜聽鳥海近不聞潮
殊覺助起因復屬韻三章

識馬蹄趣到無秋水時青
天垂露柱白鳥墜蛛絲滅
甌塵在挑燈樹影移因君
誦古句覺有草蟲知魚鳥
師吾意龍蛇存此身不知
浮海路頗與灌園鄰聊稍
思公子依稀說古人閒尋
百部史各未點絲塵

何曾愁轍迹總不契驂驒
定法憑猿度靜心許石參
柚香收白

芋鷓語斷黃柑別向松濤
下儵然結小龕

Vertical columns of text, mostly obscured by a large black ink blot on the right side. The text is arranged in approximately 10 columns, with the rightmost column containing the page header.

Blank page with a large, irregular white patch or stain on the left side, possibly from a repair or a tear in the paper.

